

سوجال ادی تصویر

28.6



مصنف: عبید اللہ عربی

اک نوجوان ادیب شاعر دی اچی سچی سوچاں دی علمی ادبی تخلیق

سوچاں دی تصویر

نتیجہ فکر: عبید اللہ عربی

ناشر: حاجی محمد منظور احمد انصاری

بانی: سفینہ اقراء ماڈل ہائی سکول

نزد ریلوے اسٹیشن نارنگ منڈی ضلع شیخوپورہ

84489

چمکارا

کتاب داناں _____ سوچاں دی تصویر

مصنف _____ عبید اللہ عربی

سائز _____ 23x36/16

صنف _____ حمد، نعت، نظم، غزل، نثر

صفحے _____

سرورق _____ شہباز کمپوزنگ سنٹر میوہسپتال روڈ لاہور

کمپوزنگ _____ لکھاری کمپوزنگ سنٹر جیا موکی شاہد روہ۔ لاہور

چھاپہ خانہ _____ امتیاز فیاض پریس سرکلر روڈ لاہور

تاریخ اشاعت _____ اگست 2009ء

قیمت _____ 101 روپے

ناشر _____ حاجی محمد منظور احمد انصاری

بانی سفینہ اقبال ماڈل ہائی سکول، نزد ریوے انٹیشن

نارنگ منڈی ضلع شیخوپورہ۔

منگوان دے پتے _____ حاجی محمد اکرم انصاری۔ سابق ایف۔ اے۔

غلام محمد آباد، فیصل آباد

جلا شاخ ادب اثر منزل محلہ جابر پورہ سلنہ

فیض پور خورد نزد لاہور، شہر قیور روڈ ضلع شیخوپورہ

0321-4756725, 042-7910919

ڈھویا

میں جدوں کتابت کر کے تھک جاں داتاں سوچدا سوچدا ہوا خواری لئی باہر نکلا
۔ اک کوٹھی دی تہی منزل اسارن لئی مزدوراں ول نگہ جاندی۔ سولاں اٹاں اک
پھٹی اُتے جوڑ کے الماس بلوچنی نوں لیجان دیاں تکدا۔ الماس دے متھے توں
موتیاں ورگیان مڑھکے دیاں بونداں ڈگ کے پوڑیاں وچ جذب
ہندیاں۔ اوہدا سوا مہینے دا کا جھلی وچ اپنی ماں نوں بٹ بٹ تکدا کدی مسکاندا
تے کدی بلیہیاں کڈھدا۔ الماس دی جھگی ایسھوں کوہاں دی مسافت اتے
اے۔ سارا دن کم کر کے شام نوں اپنا کا چک کے تھکی ٹی جدوں اوہ جھگی وچ
اڑدی۔ تاں پنجاں بالاں لئی روٹی ٹکر پکاندی نوں خفقاں بیت جاندیاں۔ فیر اوہ
اپنے من کھٹوشو ہر دیاں جھڑکاں سہندی تے اوہنوں لتاڑدی گھنڈی،۔ ککڑدی
بانگ ویلے اٹھ کے اگلے دن دی تیاری کردی۔ میری سوچ الماس ولوں ہٹ
کے کھیتراں ول جاندی امیراں رئیسوں دے منڈے جیہڑے پیچی دے باغاں
دی ٹھنڈی چھاویں اپنے متراں نال موبانٹاں اتے گلاں باتاں کردے
دسدے۔ کنیاں نے ایف ایم پچانوے سنن لئی موبانٹاں دی واج اچی کیتی
ہندی۔ قیمتی لباساں والے ایہہ شینہہ ورگے گھروسار سارا دن انج ای لنگھاندے

چنگا ہنڈاندے تے چنگا کھا کے ایئر کنڈیشنڈ کاراں وچ بیٹھ کے اپنے کھوہواں
 ول سیر لئی جانڈے تگدا تے خدائی ونڈ دے آرام آسائشاں تے دکھاں تکلیفاں
 بارے سوچدا سوچدا پرت آؤندا۔ میری شاعری امیر تے غریبی دے اڈ اڈ
 دو جہاناں بارے سوچاں دی تصویراے تے الماس دے کا کے دے ناں اے۔

الراقم

عبداللہ عربی

اثر منزل فیض پور خور دنزد لاہور۔ شرقی پور روڈ

ضلع شیخوپورہ 0302-4454689

قومی ترانہ

از قلم عبید اللہ عربی

دیار ، وچوں دیس اساڈا جنت دا نظارا اے

مال تے دولت تالوں سانوں اپنا دیس پیارا اے

دھرتی ایہدی زر نگار

پہ اکلان پانڈی مسیت بہار

سہ دی گرمی ساڈن پھولہ

پانی ایہدا امرت ورگا نہ کوڑا نہ کھارا اے

دیاں وچوں ، دیس اساڈا جنت دا نظارا اے

گلشن وچ بہاراں دس

صحت منداں ثیاراں دس

گبھرو شیر قطاراں دس

سرحد، سندھی تے بلوچی پنجاب وی اپنا سارا اے

دیاں وچوں دیس اساڈا جنت دا نظارا اے

ایہدے دل جو اکھ اٹھاوے

پا ہزیمت نس کے جاوے
 پرچم ایہدا نت لہراوے
 شانناں والا پرچم ایہدا چمکدا چن ستارے اے
 دیاں وچوں دیس اساڈا جنت دا نظارا اے

کھیتاں وچ ہریاں ایہدے
 وچ گلاباں لالی ایہدے
 باغاں دے وچ مالی ایہدے
 وچ چراندیاں مجھاں گاواں وگدا دودھ دادھارا اے
 دیاں وچوں دیس اساڈا جنت دا نظارا اے

فوجی ایہدے بڑے جیالے
 لجاں شرماں انکھاں والے
 ایہدیاں خداں دے رکھوالے
 خیر توں گوادر تیکر دنیا وچ چمکارا اے
 دیاں وچوں دیس اساڈا جنت دا نظارا اے

واسی ایہدے شانناں والے
 نیک سیرت تے آناں والے

طاقت مان گماناں والے

شاعر تے ادیب نے اچے اکھراں وچ لشکارا اے

دیاں وچوں دیس اساڈا جنت دا نظارا اے

پریت ساگر وچ میداناں

ملدیاں پنچے وقت اذاناں

ذکر دے وچ مصروف زماناں

ایہدے نال اے عزت ساڈی آساں دامنارا اے

دیاں وچوں دیس اساڈا جنت دا نظارا اے


عربی ایہدے نغے گاوے

شامیں فجر نے لکھ سناوے

صدقے واری ایہدے جاوے

شہر ایہدے نے رونقاں والے ہر ذرہ مہ پارا اے

دیاں وچوں دیس اساڈا جنت دا نظارا اے



جے پھیرا پاجاندوں کی سی؟

عبید اللہ عربی

جے پھیرا پا جاندوں کی سی؟
 ڈگے نوں اٹھا جاندوں کی سی؟
 ہجر دے پھٹاں تے مرہم لگدی
 تک کے مسکا جاندوں کی سی؟
 قیس تے رلیا سی ریت دے ٹہیاں تے
 توں قبر ہتے آ جاندوں کی سی؟
 ویکھ کے سائل توں گھوری پائی
 سہج نال سمجھا جاندوں کی سی؟
 کون کہندا اے نہیں لبھدی منزل
 پنڈھ مکا جاندوں کی سی؟
 دڈھ پیندے بالکاں دی اکھیاں تے ہالے کالے
 نشے توں بچا جاندوں کی سی؟
 سانوں اے وراثت وچ اسلام ملیا
 شکر بجا جاندوں کی سی؟
 سالگرہ اُتے آئے غیر نے دوروں دوروں
 عربی نوں بلا جاندوں کی سی؟

غزل

چار پھیرے افراتفری شام سویرے افراتفری
 روح جاپن غمگین اداسے گھپ ہنیرے افراتفری
 بھیڑ بنی تے چھوٹاں لاگے یار ہتھیرے افراتفری
 رتاں دے ترہائے دسدے ساک چنگیرے افراتفری
 ٹیشن اتے جا کے ویکھو پندھ لمیرے افراتفری
 وچ مسیتاں خوف بمباں دا بیٹھک ڈیرے افراتفری
 صبر شکر ہن پڑیاں دے وچ دین پھلیرے افراتفری
 شہد دے وچوں چاشنی مکی زہر مٹھیرے افراتفری
 جنگلاں دے وچ جا کے ڈٹھا بیز شیرے افراتفری
 رب دی یادوں مکھ جد موڑے دکھاں گھیرے افراتفری
 خالی کھیے عملاں بابجھوں عمل مندیرے افراتفری
 عربی فیشن سرے کجل شوق ودھیرے افراتفری



سونے رنگیاں گلاں

شاعر: عبید اللہ عربی

ویلا کدی معاف نہیں کردا ویلا نہ گواؤ
برف دے وانگوں کھردا رہندا کماں وچ لنگھاؤ
اج تک سورج ویلے اتے دیندا آن دکھالی
ویلے اتے ڈب جاندا اے چھڈ کے شفق دی لالی
چن وی اپنے ویلے اتے چائن آن کھلارے
میویاں وچ مٹھاساں بھردا پھل وار روپ سنوارے
تارے رات نوں چمک دکھاندے ویلا نہیں کھنجاندے
راہیاں پاندھیاں تائیں تارے منزل تے اڑاندے
ویلے دی جس قدر ہے کیتی اوہنے باری جتی
دن نوں محنت کر مزدوراں اجرات شام نوں لتی
ماں پیو دا جس ادب بجایا اچا رتبہ پایا
ماں دے پیراں تہہ ہے جنت دانیاں نے فرمایا

بھین بھائیاں نال الفت دے نال پیش ہمیشہ آؤ
 ہن ہمسائے ماں پو جائے دل نہ کوئی دکھاؤ
 گھر دیاں چیزاں سانجھ کے رکھو ملدا رتبہ عالی
 گھر دے وچ صفایاں رکھو گند نہ دے دکھالی
 گد شکایت غیبت چغلی ہیگے عیب کبیرہ
 ایہناں کولوں پنج کے جیوؤ تاں فیر نیک و طیرہ
 پٹھے ناں نہ کدی بلاؤ ایہہ وے مندی عادت
 گل وڈیاں دتی بسنو ہمیشہ ایہہ ہے عین سعادت
 آہلک چھڈو غفلت ولوں کرو ہمیش کنارا
 وے لے پیٹھیاں دنیا کہندی ایہہ ہے ست نکارا
 جھوٹھ دے کولوں پنج کے رہنا عادت ایہہ مندیری
 امانت وچ خیانت کرنی ہندی ہیرا پھیری
 وعدہ پورا کردا جیہڑا ہے اعتبار بناندا
 جیہڑا وعدہ کرے نہ پورا بے اعتبار کہلاندا
 چیزاں وچ جو کرے ملاوٹ کدی نہ چلدا دھندا
 خالص چیزاں وچن والا نیک کہاوے بندا

عاجزی وچ اچیانئی ہندی پھل والا رُکھ جھکدا
 اچھل رکھ نوں پھل نہ لگدا آخر اکدن سکدا
 جس دے وچ حیاواں ہندیاں اچا شان اوہ پاندا
 بے شرماں نوں نیک تھاواں تے ہے دھتکاریا جاندا
 گلی دے موڑاں چوکاں دے وچ کدی وی نہ کھلوؤ
 شادی والے گھر دے اندر کدی نہ چیکو رووؤ
 جس گھر غمیاں نظری آون اوتھے نہ مسکاؤ
 جیسا ویلا ہووے سامنے تیسرا روپ بناؤ
 پتن ، راہ تے رکھ دے پیٹھاں کدی نہ گند پھیلاؤ
 قرض بیماری سب توں بھاری ایس توں چنڈ چھڈاؤ
 مورکھ ، پاگل ، جاہل تائیں متر نہ بناؤ
 احمق بلی جان دا ویری ایس توں جان بچاؤ
 عبید اللہ نے گلاں دسیاں ساریاں سونے رنگیاں
 اپنے ذہن دے وچوں کڈھیاں، نہیں ادھاریاں منگیاں



نبی پاک داعاشق

حاجی چراغ دین جونیکے والے

محفل شعر ادب دی اندر رب نے شان ودھایا اے
 حاجی چراغ دے ناں دا جھنڈا جگ دے وچ جھلایا اے
 نیک مائی دا پتر سوہنا نیک پیو دا پت من موہنا
 صدیاں پچھوں پیدا ہونا
 رب نے علم ادب سو دتا جگ وچ اوس ورتایا اے
 محفل شعر ادب دی اندر رب نے شان ودھایا اے
 جگ تے سوہنی عمر گزاری رب نبی نال لاکے پاری
 شعر دی زلف اے خوب سنواری
 ”گھگی کاں“ ایہناں نے قصہ پہلوں لکھ چھپایا اے
 محفل شعر ادب دی اندر رب نے شان ودھایا اے
 ایس قصے نے دُھاں پائیاں اج وی پڑھدیاں ہین لوکائیاں
 وچ کتاباں ہین دانائیاں

فوجداری دا نقشہ ایہناں شاعری وچ دکھایا اے
 محفل شعر ادب دی اندر رب نے شان ودھایا اے
 فیر ایہ قلم نوں پھڑ کے بہہ گئے..... اک ساہے کئی شعر ایہ کہہ گئے
 پہلاں ٹرے جو چھجے رہ گئے

لکھ کتاباں ڈھیر لگائے ڈھنگ نرالا پایا اے
 محفل شعر ادب دی اندر رب نے شان ودھایا اے
 ”مرزا صاحبان“ لکھ چھپوایا..... قصہ ہیر دا خوب دہرایا
 خطبہ ایہناں نے بنایا

پھیریاں والے وچدے پھر دے ہر تھاں تے اڑایا اے
 محفل شعر ادب دی اندر رب نے شان ودھایا اے
 ہاسے بھریاں کئی کتاباں..... مسخریاں آؤن نہ وچ حساباں
 جین دے دے ڈھنگ جناباں

باتصویر کتاباں ساریاں جنہاں جگ بسایا اے
 محفل شعر ادب دی اندر رب نے شان ودھایا اے
 تکو ”ہاسے دی پٹاری“..... ”انھیاں دی اے میننگ“ بھاری
 کھڑی مزاح دی عجب کیاری
 ڈھڈاں دے وچ پیڑاں پناں ایسا فن لکایا اے

محفل شعر ادب دے اندر رب نے شان ودھایا اے
 لکھ کے دے حال حوالے حالات حاضرہ جو نرالے
 شعراں دے وچ ایہناں ڈھالے

ناں ایہناں دا زندہ ہیگا نیک مائی دا جایا اے
 محفل شعر ادب دی اندر رب نے شان ودھایا اے
 میں وی پڑھ کے سوچھ اے پائی پڑھیاں کئی کتاباں بھائی
 ہر پاسے کھلری رشنائی

حاجی چراغدین۔ جونیکے واپے عربی دا سرمایا اے
 محفل شعر ادب دی اندر رب نے شان ودھایا اے
 از قلم: عبید اللہ عربی فیض پوری



كُلُّ نَفْسٍ ذَائِقَةُ الْمَوْتِ

كل نفس ذائقة الموت بے شک سانوں و سیام الکتاب نے ہے جو کچھ بیجو گے بھلکے و ڈھو گے اوہ سمجھایا امت نوں گر جناب نے ہے علامہ عبد الحق ظفر چشتی قرآن سنت تے عمل کما گئے نیں دنیا چار دن دامیلہ ہے جے سانوں سب نوں راز سمجھا گئے نیں لے کے بچپن توں آخری دم تیکر اوہناں قائم اصول قانون رکھیا ہسدی طبع والے صبح شام بہہ کے پڑھن پڑھان دا اوہناں جنون رکھیا کدی درس تدریس توں اگے ناہیں قرآن سنت دادرس اے جاری رکھیا وچ زہد عبادت دے رُجھ کے تے اپنے نفس امارہ نوں ماری رکھیا بڑا حلقہ احباب وسیع پیسی بیلی بیلیاں دے یار یاراں دے سن علم ادب دے چمن وچ ظفر چشتی آئے بن کے بُلے بہاراں دے سن دسیا اثر نے ساری عمر ایہناں وچ امامت دے پیسی لنگھا دتی رہے پڑھاندے جمعہ تے عید شوقوں وچ خطابت دے پیسی لنگھا دتی دینی پرچیاں وچ مضمون ایہدے نال شوق لوکائی اے رہی پڑھدی تفسیر نبویؐ دا اُلٹھا کیتا نال ذوق خدائی اے رہی پڑھدی اج چھڈ کے فانی جہان تا کیں ڈیرے ابدی جہان وچ لا بیٹھے اپنی آخرت ایہناں بنا لئی اے عربی سون لئی بستر و پھانسی

عبداللہ عربی فیض پوری "یاداں آون تیریاں" حبیبنا تبالنہ

جدوں مشاعرہ سجیا ہووے یاد تیری تڑفاندی آ آ
شبم پھل دا منہ دھواوے تیری یاد ستاندی آ آ

جگ تے ادبی میلے لکسن نعتاں تیریاں لوکی پڑھسن
پتر تیرے دکھڑے جرسن

تیری شفقت تے محبت اوہناں نون رواندی آ آ
جدوں مشاعرہ سجیا ہووے یاد تیری تڑفاندی آ آ

پانگلاں پاون جدوں ہواواں ڈھلسن لوہڈے ویلے چھاواں
گل نون آون وچھڑیاں یاہواں

بیتے سے دیاں گلاں باتاں دنیا پئی دہراندی آ آ
جدوں مشاعرہ سجیا ہووے یاد تیری تڑفاندی آ آ

اثر انصاری واجاں مارے حاجی جی تے بھاء جی پیارے
لائیں نہ توں سانوں لارے

آ کڑیاں کلاں ول چلئے ویلا یاد کراندی آ آ
جدوں مشاعرہ جیا ہووے یاد تیری ترفاندی آ آ

دے مسودے غاٹیاں لا کے
شعروں نوک تے پلک سجا کے
ساہ لینا اے اساں چھپوا کے

تیری اوہ ہمدردی سانوں اج وی چھیاں پاندی آ آ
جدوں مشاعرہ جیا ہووے یاد تیری ترفاندی آ آ

کیہڑ اشدھ جیہا پیار کرے گا
کیہڑ ارل کئے دکھ جرے گا
کیہڑ ادب دی مانگ بھرے گا

عربی راہ اڈیکے تیرا دنیا رتے کی جاندی آ آ
جدوں مشاعرہ جیا ہووے یاد تیری ترفاندی آ آ

دی ایجوکیٹر سکول

باراں دری کیمپس گجرات دا منظر

از قلم: عبید اللہ عربی

تکيا پھر کے ایس سکول تائیں جاری علم دی ہاک آبشار ڈھٹی
ساڈھے اکی کنال دے رقبے تے رقص کر دی رنگی بہار ڈھٹی

رنگا رنگ دے کھڑے نیں پھل تازے ہر پھل دی اڈ مہکار ڈھٹی
طالب علماں دی خاص تفریح دے لئی ہے پرندیاں دی چہکار ڈھٹی

لے کے زسری توں دسویں تیک اتھے طالب علماں دی قطار ڈھٹی
بڑا دلکش ماحول سکول دا اے ہے سیکورٹی بڑی ہشیار ڈھٹی

رنگ برنگے کھڈاؤ نے نیں بالاں دے لئی ڈرائینگ روم وچ چاندا پرکار ڈھٹی
اک کمرہ موسیقی دا تکيا اے اوہدے وچ ہے سر ملہار ڈھٹی

لائبریریاں دو سکول اندر ہر کتاب اے اچا معیار ڈھٹی
اڈو اڈو دفاتر استادان دے نیں صاف ستھرے ایڈے چہکار ڈھٹی

ایہدا بانی اے سوجھ بوجھ والا شہزادے شہزاد دی آن وقار ڈٹھی
چار بلاک نے ایس سکول اندر ہر بلاک دی پختہ دیوار ڈٹھی

باراں دری بزرگاں دی قائم رکھی عجب نقشے دی ہوئی تیار ڈٹھی
لہنوں کیتا محفوظ شہزاد صاحب حس ایہناں دی وانگ معمار ڈٹھی

ہر کمرے وچ پانی اے ٹھنڈا تازہ ہے کولراں دی بھرمار ڈٹھی
طالب علماں دے لئی کمپیوٹر وافر طالب علم کہ کونجاں دی ڈار ڈٹھی

نبی پاک دے عشق محبت اندر عملے سارے دی طبع سرشار ڈٹھی
ختم بارھویں دا اتھے ہووندا اے ہر زبان تے ذکر اذکار ڈٹھی

ہر سال اے نعت دی محفل سج دی ٹکٹ عمرے دی ملدی ہر وار ڈٹھی
چار بلاک نے ایس سکول اندر باؤ شفیق بلاک لشکار ڈٹھی

سائیں کرم الہی بلاک دو جا راضی کاواں والی سرکار ڈٹھی
تیجا پیراں دے پیر دے ناں اُتے نال پیراں دے الفت پیار ڈٹھی

اتھے چوتھا بلاک اے قائم دائم ڈاکٹر قریشی دی اتھے دستار ڈٹھی
ڈاکٹر احمد حسین احمد صاحب قلعہ داری دی علمی گلزار ڈٹھی

اللہ کرے ایہہ رہوے آباد قائم رحمت ایس اتے کردگار ڈٹھی
عربی نبی کریم دی نگہ اس تے اتے سردے مدنی سرکار ڈٹھی

اج خوشیاں دی برسات ہوگئی

عبید اللہ عربی خزانچی اثر انصاری اکیڈمی فیض پور خورد

متھے میاں خاں دے سہرا سجیا، اج خوشیاں دی برسات ہو گئی
 دن عید دے وانگراں جا پدا اے رات چاننی مثل شبرات ہو گئی
 رنگ برنگیاں لائلاں لکیاں نیں ویہڑے وچوں ہنیرا نسیا اے
 اج خوشیاں دی برسات ہو گئی رب دے فضل دا مینہہ اج وسیا اے
 لے کے مہندی تے گانے توں سہرے تیکر سارے ساک پرورنے کٹھے ہو گئے
 ملیا راحت سکون اے دلاں تائیں بلی ہترہتے یار نے کٹھے ہو گئے
 ہاسے راسے تے سرگوشیاں نیں ہر گلہ وچ لکیاں سرگوشیاں نیں
 اج خوشیاں نے مستی چاہڑھ دتی قدم قدم اتے مدہوشیاں نیں
 لاڑا چٹی کار تے بہہ گیا اے اوہدے نال سربالا وی سجیا اے
 اچی تان شہنائی دی گونج رہی اے واہے گاہے تے ڈھول اج وجیا اے
 صدقے نبیؐ دے گھر شہزادے دے اج واہ رنگی پائلاں پان لگی
 دسترخوان ویسے دا وچھیا اے ہے کھوکھر برادری کھان لگی
 رنگا رنگ دے کھانے ویسے اندر ست رنگ دا زردہ کمال دا اے
 کتے قورمہ، ساگ تے گوشت پکا، فرنی حلوہ لذت دکھال دا اے
 ڈالے بوتلاں دے دسترخوان اتے جیہڑا دل چاہوے مہماناں دے لئی
 قاری منشا شہزادے نے خرچ کیتا ایس شادی دے دسترخواناں دے لئی
 فقیر اثر انصاری وی ہو یا شامل اثر ثابری خوشیاں وچ آ گئی اے
 اج خوشیاں دی برسات ہو گئی عربی ذہناں نوں مہک مہکا گئی اے

84486

ام الکتاب قرآن مجید دے سپارے

سورتاں، رکوع تے آیتاں

۱۔ پہلے سپارے داناں اَلْم اے۔

ایہدے وچ البقرة سورت شروع ہندی اے۔ البقرة سورت

دے چالی رکوع تے دو سو چھیاسی آیتاں نیں۔

۲۔ دو جے سپارے داناں سَيَقُولُ اے۔

ایہدے وچ وی البقرہ سورت شامل اے جیہڑی تیجے سپارے تیکر

جاندی اے۔

۳۔ تیجے سپارے داناں تَلِكَ الرُّسُلُ اے۔

ایہدے وچ آل عمران سورت اے۔ جیہدے وچ ویہہ رکوع تے

دو سو آیتاں نیں۔

۴۔ چوتھے سپارے داناں لَنْ تَنَالُوْا اے۔

ایہدے وچ النساء سورت اے۔ جیہدے وچ چوی رکوع تے تاک

سو چھتر آیتاں نیں۔

۵۔ پنجویں سپارے داناں وَ الْمُحْصَنَاتُ اے۔

ایہدے وچ وی النساء سورت اے۔

۶۔ چھیویں سپارے داناں لَا يُحِبُّ اللّٰهَ اے۔

ایہدے وچ المائدۃ سورت اے۔ جیہدے وچ سولہاں رکوع تے
اک سوویہہ آیتاں نیں۔

۷۔ ستویں سیپارے دانال وَاِذَا سَمِعُوا اے۔

ایہدے وچ الانعام سورت اے جیہدے وچ ویہہ رکوع تے اک
سو پینٹھ آیتاں نیں۔

۸۔ اٹھویں سیپارے دانال وَاِنَّا اے۔

ایہدے وچ الاعراف سورت اے جیہدے وچ چوہی رکوع تے دو
سو چھ آیتاں نیں۔

۹۔ نانوہیں سیپارے دانال قَالَ الْمَلَا اے۔

ایہدے وچ الانفال سورت اے جیہدے وچ دس رکوع تے پندرہ
آیتاں نیں۔

۱۰۔ دسویں سیپارے دانال وَاَعْلَمُوا اے۔

ایہدے وچ التوبہ سورت اے۔ جیہدے وچ سولہاں رکوع تے
اک سو انتی آیتاں نیں۔

۱۱۔ یارہویں سیپارے دانال يَعْتَذِرُونَ اے۔

ایہدے وچ یونس تے ہود سورت اے۔ یونس سورت دے
یارہاں رکوع تے اک سو نو آیتاں تے ہود سورت دے دس رکوع تے اک سو
ترہی آیتاں نیں۔

۱۲۔ بارہویں سیپارے دانال وَمَا مِنْ دَابَّةٍ اے۔

ایہدے وچ یوسف سورت اے۔ جیہدے وچ بارہاں رکوع تے

اک سویاراں آیتاں نیں۔

۱۳۔ تیرھویں سیپارے دانائے وَاٰتٰی مَا اَبْرٰی اے۔

ایہدے وچ الرعد، ابراہیم تے الحجر سورتاں نیں۔ الرعد

سورت دے چھ رکوع تے ترائی آیتاں، ابراہیم سورت دے ست رکوع تے

بونجہ آیتاں، الحجر سورت دے چھ رکوع تے تینویں آیتاں ہن۔

۱۴۔ چودھویں سیپارے دانائے رَبَّمَا یُوَدِّ اے۔

ایہدے وچ النحل سورت اے۔ جیہدے وچ سولہاں رکوع تے

اک سواٹھائی آیتاں نیں۔

۱۵۔ پندرھویں سیپارے دانائے سُبْحَانَ الَّذِی اے۔

ایہدے وچ بنی اسرائیل تے الکھف سورتاں نیں۔ بنی

اسرائیل دے بارہاں رکوع تے اک سویاراں آیتاں تے الکھف سورت

دے بارہاں رکوع تے اک سو دس آیتاں نیں۔

۱۶۔ سولھویں سیپارے دانائے قَالَ اَلَمْ اے۔

ایہدے وچ مریم تے طہ سورتاں نیں۔ مریم سورت دے چھ

رکوع تے اٹھانوہ آیتاں طہ سورت دے اٹھ رکوع تے اک سو پینتی آیتاں

نیں۔

۱۷۔ ستارھویں سیپارے دانائے اِقْتَرَبَ لِلنَّاسِ اے۔

ایہدے وچ الانبیاء تے الحج سورتاں نیں۔ الانبیاء دے

ست رکوع تے اک سو باراں آیتاں تے انج دے دس رکوع تے اٹھتر آیتاں
نیں۔

۱۸۔ اٹھارویں سیپارے داناں قد اَفْلَحَ اے۔

ایہدے وچ المومنون، النور تے الفرقان سورتاں نہیں۔
المومنون وچ چھ رکوع تے اک سو اٹھارواں آیتاں، النور وچ نور رکوع تے
چوٹھ آیتاں تے الفرقان وچ چھ رکوع تے ستتر آیتاں ہن۔

۱۹۔ اٹیویں سیپارے داناں وَ قَالَ الَّذِينَ اے۔

ایہدے وچ الشعراء تے النمل سورتاں نہیں۔ الشعراء وچ چار
رکوع تے دو سو ستائی آیتاں، النمل وچ ست رکوع تے ترانوے آیتاں نہیں۔
۲۰۔ ویہویں سیپارے داناں اَمَّنْ خَلَقَ اے۔

ایہدے وچ القصص تے العنكبوت سورتاں نہیں۔
القصص وچ نور رکوع تے اٹھاسی آیتاں تے العنكبوت وچ ست رکوع
تے اہتر آیتاں نہیں۔

۲۱۔ اکیویں سیپارے داناں اَتْلُ مَا اُوْحِيَ اے۔

ایہدے وچ الروم، لقمن، السجدہ تے الاحزاب
سورتاں نہیں۔ الروم وچ چھ رکوع تے سٹھ آیتاں، لقمن وچ چار رکوع تے
چونتی آیتاں۔ السجدہ وچ تن رکوع تے تیرہ آیتاں تے الاحزاب وچ نو
رکوع تے تہتر آیتاں نہیں۔

۲۲۔ بائیویں سیپارے داناں مَنْ يَقْنُتْ اے۔

ایہدے وچ سبباً، فاطر تے یس سورتاں نیں۔ سبباً دے چھ
رکوع چورنجہ آیتاں، فاطر دے پنج رکوع تے پنجتالی آیتاں تے یس دے پنج
رکوع تے تراسی آیتاں ہین۔

۲۳۔ تریویں سیپارے داناں او مالی اے۔

ایہدے وچ الصّٰنِتْ، ص تے الزمر سورتاں نیں۔ الصّٰفِتْ
دے پنج رکوع تے اک سو بیاسی آیتاں، ص دے پنج رکوع تے اٹھاسی آیتاں
تے الزمر دے اٹھ رکوع تے کچھتر آیتاں ہین۔

۲۴۔ چھٹیں سیپارے داناں فَمَنْ اَظْلَمَ اے۔

ایہدے وچ المومن تے خم السجدۃ سورتاں نیں۔
المومن دے نور رکوع تے پچاسی آیتاں، خم السجدۃ دے چھ رکوع تے
چرونجہ آیتاں ہین۔

۲۵۔ پنجویں سیپارے داناں الیہ یرد اے۔

ایہدے وچ الشوریٰ، الزخرف، الدخان تے الجاثیہ
سورتاں نیں۔ الشوریٰ وچ پنج رکوع۔ نے ترونجہ آیتاں، الزخرف وچ ست
رکوع تے انا نویں آیتاں، الدخان وچ تن رکوع تے اٹھ آیتاں تے
الجاثیہ وچ چار رکوع تے سینتی آیتاں نیں۔

۲۶۔ چھٹیویں سیپارے داناں حم اے۔

ایہدے وچ الاحقاف، محمد، الفتح، الحجرات، ق
تے الذریت سورتاں نیں۔ الاحقاف وچ چار رکوع تے بیس آیتاں،

محمد وچ چار رکوع تے اٹھتی آیتیں، الفتح وچ چار رکوع تے انتی آیتیں،
الحجرات وچ دو رکوع تے اٹھاراں آیتیں، ق وچ تن رکوع تے پنجتالی
آیتیں تے الذریت سورت وچ تن رکوع تے سٹھ آیتیں ہیں۔

۲۷۔ ستائیس سیپارے دانان قَالَ فَمَا خَطْبُكُمْ اے۔

ایہدے وچ الطور، النجم، القمر، الرحمن،
الواقعة، تے الحديد سورتاں نیں۔ الطور وچ دو رکوع تے انجہ آیتیں،
النجم وچ تن رکوع تے باٹھ آیتیں، القمر وچ تن رکوع تے پچوہ آیتیں،
الرحمن وچ تن رکوع تے اٹھتر آیتیں، الواقعة وچ تن رکوع تے
چھیانوے آیتیں تے الحديد سورت وچ چار رکوع تے انتی آیتیں نیں۔

۲۸۔ اٹھائیس سیپارے دانان قَدْ سَمِعَ اللَّهُ اے۔

المجادلة، الحشر، الممتحنة، الصف، الجمعة،
المنفقون، التغابن، الطلاق تے التحريم سورتاں نیں۔
المجادلة دے تن رکوع تے بائی آیتیں، الحشر دے تن رکوع تے چوی
آیتیں، الممتحنة دے دو رکوع تے تیراں آیتیں، الصف دے دو رکوع
تے چوداں آیتیں، الجمعة دے دو رکوع تے یاراں آیتیں۔ المنفقون
دے دو رکوع تے یاراں آیتیں، التغابن دے دو رکوع تے اٹھاراں آیتیں،
الطلاق دے دو رکوع تے باراں آیتیں تے التحريم دے دو رکوع تے
باراں آیتیں نیں۔

۲۹۔ انتی ویں سیپارے دانان تَبْرَكَ الَّذِي اے۔

ایہدے وچ الملک ، القلم ، الحاقہ ، المارج ، نوح ،
الجن ، المزممل ، المدثر ، القيمة ، الدهر تے المرسلت سورتاں
نیں۔ الملک وچ دورکوع تہیہ آیتاں ، القلم وچ دورکوع تے بونجہ آیتاں ،
الحاقہ وچ دورکوع تے بونجہ آیتاں ، المعمارج وچ دورکوع تے چتالی
آیتاں ، نوح وچ دورکوع تے اٹھائی آیتاں ، الجن وچ دورکوع تے اٹھائی
آیتاں ، المزممل وچ دورکوع تے ویہ آیتاں ، المدثر وچ دورکوع تے
چھنچہ آیتاں ، القيمة وچ دورکوع تے چالی آیتاں ، الدهر وچ دورکوع تے
اکتی آیتاں تے المرسلت سورت وچ دورکوع تے پنجاہ آیتاں نیں۔

۳۰۔ تہویں سیپارے داتاں عم يتسئلون اے۔

ایہدے وچ النبا ، النزعت ، عبس ، التکویر ، الانفطار ،
المطففين ، الانشقاق ، البروج ، الطارق ، الاعلیٰ ، الغاشیہ ،
الفجر ، البلد ، الشمس ، الليل ، الضحیٰ ، الم نشرح ، التین ،
العلق ، القدر ، البینة ، الزلزال ، العڈیت ، القارعة ، التکائر ،
العصر ، الهمزة ، الفیل ، قریش ، الماعون ، الکوثر ، الکفرون ،
النصر ، اللہب ، الاخلاص ، الفلق تے الناس سورتاں نیں۔

النبا وچ دورکوع تے چالی آیتاں ، النزعت وچ دورکوع تے چھتالی
آیتاں ، عبس وچ اک رکوع تے بتالی آیتاں ، التکویر وچ اک رکوع تے
نتی آیتاں ، الانفطار وچ اک رکوع تے انی آیتاں ، المطففين وچ اک
رکوع تے چھتی آیتاں ، الانشقاق وچ اک رکوع تے پنچی آیتاں ، البروج

وچ اک رکوع تے بائی آیتاں، الطارق وچ اک رکوع تے ستاراں آیتاں،
 الاعلیٰ وچ اک رکوع تے انی آیتاں، الغاشیة وچ اک رکوع تے، چھبی
 آیتاں، الفجر وچ اک رکوع تے مہمہ آیتاں، البلد وچ اک رکوع تے
 ویہہ آیتاں، الشمس وچ اک رکوع تے پندرہ آیتاں، اللیل وچ اک
 رکوع تے اکی آیتاں، البضحیٰ وچ اک رکوع تے یارہاں آیتاں، الہم
 نشرح وچ اک رکوع تے اٹھ آیتاں، التین وچ اک رکوع تے اٹھ آیتاں،
 العلق وچ اک رکوع تے انی آیتاں، القدر وچ اک رکوع تے پنج آیتاں،
 البینة وچ اک رکوع تے اٹھ آیتاں، الزلزال وچ اک رکوع تے اٹھ
 آیتاں۔ العذیت وچ اک رکوع تے یارہاں آیتاں، القارعة وچ اک رکوع
 تے یارہاں آیتاں، التکاثر وچ اک رکوع تے اٹھ آیتاں، العصر وچ اک
 رکوع تے تن آیتاں، الہمزة وچ اک رکوع تے نو آیتاں، الفیل وچ اک
 رکوع تے پنج آیتاں، قریش وچ اک رکوع تے چار آیتاں، الماعون وچ
 اک رکوع تے ست آیتاں، الکوثر وچ اک رکوع تے تن آیتاں، الکفرون
 وچ اک رکوع تے چھ آیتاں، النصر وچ اک رکوع تے تن آیتاں، اللہب
 وچ اک رکوع تے پنج آیتاں، الاخلاص وچ اک رکوع تے چار آیتاں،
 الفلق وچ اک رکوع تے پنج آیتاں تے الناس سورت وچ اک رکوع تے چھ
 آیتاں نیں۔

عبید اللہ عربی

میزبان رسول

حضرت ابو ایوب خالد بن زید انصاری رضی اللہ عنہ

اردو تحریر: امین الدین انصاری مرحوم

پنجابی ترجمہ: عبید اللہ عربی

انج تاں نبی کریم ﷺ دے سارے صحابی عظیم تے خوش بخت ہین۔ جنہاں
نوں رسول خدا ﷺ دی خدمت اقدس وچ حاضری دا شرف نصیب ہو یا۔ ایہ خوش
نصیب شمع رسالت دے پروانے تے آپ دے جانثار ساتھی سن۔ پر اللہ تعالیٰ نے
اوہناں وچوں بوہتے اصحابیاں نوں اپنے خاص لطف و کرم تے احسان نال نواز یا سی۔
جہاں وچوں حضرت ابو بکر صدیق رضی اللہ عنہ نوں یار غارتے حضرت ابو ایوب
انصاری نوں حبیب خدای میزبانی دا شرف حاصل ہو یا۔

آپ دا اسم گرامی خالد کنیت ابو ایوب لقب میزبان رسول والداناں زید تے

والدہ ماجدہ داناں ہندیاز ہرابت خزر جی سی۔

پیدائش: آپ دی ولادت یثرب وچ ہجرت توں اکی سال پہلاں ۵۹۲ء

وچ ہوئی۔ ناں خالد رکھیا گیا۔ آپ بچپن وچ ای نیک نرم دل تے سادہ دل لڑکیاں

ولوں کنارہ کش سن تے ہر چنگے کم ولے رغبت رکھدے سن۔ آپ دے اصل ناں استے

آپ دی کنیت غالب آگئی اے تے آپ ابو ایوب مشہور ہین۔

قبول اسلام: آپ حضرت مصعب بن عمیر دی تبلیغ نال متاثر ہو کے اسلام

لیاؤن والے انصار مدینہ وچ السابقون الاولون دی صف وچ گئے جان دے نیں۔

ایہدے بعد اوہناں نوں بیعت عقبہ کبیرہ وچ شامل ہون دا شرف حاصل ہو یا۔ ایس
 موقعہ اتے اوہناں نے ۴۷ سنکیاں نال ہادی برحق حضرت محمد مصطفیٰ ﷺ نال ایہ وفادار
 مقدس عہد کیتا کہ ”یا رسول اللہ ﷺ! آپ یثرب تشریف لیاؤ۔ خدادی قسم! میں
 ہمیشہ اپنی جاناں تے ملاں دے نال آپ دی حفاظت تے مدد کراں گے۔

پیشہ: آپ دا پیشہ واہی نیجی سی۔ انصار دے آسودہ حال لوکاں وچ شمار سی۔ بعض
 روایتاں دے مطابق اوہناں نے معاشی آسودگی لئی پارچہ بانی (کپڑا انن) دا پیشہ وی
 اختیار کر رکھیا سی۔

شادی: مختلف روایتاں دے مطابق حضرت ابو ایوب انصاری نے اپنی زندگی وچ

دو شادیاں کیتیاں۔ اک بیوی داننا ام حسن بنت زید بن ثابت سی۔ اوہناں دے
 بطن وچوں اک پتر عبدالرحمن جمیاتے جوانی وچ اوہدا انتقال ہو گیا۔ دوجی زوجہ آپ
 دی کنیت ابو ایوب نال مشہور ہوئیاں۔ ایہ خاتون مشہور شیردل صحابیہ سن تے ایہناں
 توں کئی حدیثاں روایت ہین۔ اپنے خادم محترم دے نال رحمۃ اللعالمین دی میزبانی دا
 شرف اوہناں نوں حاصل ہو یا۔ ایہ خود نور مجسم رحمت دو عالم لئی روٹی ٹکڑ تیار کردیاں
 سن۔ اوہناں دے بطن وچوں حضرت خالد ایوب محمد تے اک دھی عمرہ پیدا ہوئے۔

حضرت ابو ایوب انصاری دی اولاد نوں اللہ تعالیٰ نے اپنے خاص فضل تے کرم نال
 ڈھیر تعداد تے ترقی عطا فرمائی۔ تصوف وچ نامور بزرگ شیخ الاسلام پیر ہرات خواجہ
 عبداللہ انصاری (المتوفی ۴۸۱ھ) حضرت ابو ایوب انصاری دی نسل وچوں سن۔

اوہناں دی اولاد حرات تے افغانستان دے علاقیاں وچ آباد اے تے حضرت
 ابو ایوب انصاری دی اولاد وچوں دو بلند مرتبہ بزرگ حضرت یوسف انصاری تے

حضرت علاؤ الدین انصاری ہندوستان تشریف لیا۔ پاکستان تے ہند دے انصاریاں دے وڈو ڈیرے تے جدا جدا ایہو بزرگ ہن۔

میزبانی رسول دا شرف:

محبوب خدا سرور کونین ﷺ مکہ معظمہ توں ہجرت کر کے یثرب تشریف لیا۔ کجھ دن قبا وچ قیام فرمایا۔ پہلے سن ہجری دی پہلی رات اول تے بروز جمعہ المبارک نوں اونٹنی اتے سوار ہو کے محلہ بنی سالم وچ پڑھتاں نماز جمعہ دا وقت ہو گیا۔ او تھے جمعے دی نماز ادا فرمائی۔ ایہ ہجرت دے بعد ﷺ مہینہ آپ دا پہلا جمعہ سی۔ جیہڑا فصاحت تے بلاغت وچ اپنی مثال لیا آپ کی تیراں سلاہ دی جبر تے ستم دی زندگی دے بعد جیہڑا خطبہ دتا جا رہیا سی کہ اوہدے وچ اک حرف وی اپنے دشمنان دی مذمت تے شکایت دا نہیں سی۔ سگوں تقویٰ پرہیز و کاغذی صبر تے رضا، محبت تے اخوت، خفیت الہی تے اللہ تعالیٰ تے اوہدے رسول ﷺ دی تابعداری، آخرت دی تیاری، اخلاق تے اخلاص اتے جامع تے پرتا شیرت طلب سی۔ حاضرین اتے رقت طاری سی تے ساریاں دیاں اکھاں گلیاں سن۔

جمعے توں فارغ ہو کے رسول خدا القصویؑ نال دی اونٹنی اتے سوار ہوئے تے یار غار حضرت ابو بکر صدیقؓ نوں اپنے کچھے بٹھایا تے یثرب ولے ٹر پئے۔ انصار دا اک عظیم الشان گروہ ہتھیار لا کے آپ دے سجے کھے آگے کچھے آپ دے جلو وچ چل رہیا سی۔ یثرب دے واسی اگل وائڈی قطاراں دیاں قطاراں کھلوتے اپنے محبوب رسول ﷺ نوں اک نظر ویکھن لئی موڈ ب سن ہر شخص دی تمنا سی آروز وی خواہش سی کہ حضور اوہدے کول رہن تے ہر پاسیوں ایہو والہانہ تے عاشقانہ استدعاہ نیاز بلندی کہ یا رسول اللہ ﷺ ایہ غریب خانہ حاضر اے۔ آپ ایہناں ساریاں نوں

دعا دیندے تے فرماندے۔ اونٹنی من جانب اللہ موراے جتھے اللہ دے حکموں بیٹھ جاوے گی اوتھے ای قیام ہووے گا۔ بلا آخر اونٹنی محلہ بنی نجار وچ اپنے آپ حضرت ابو ایوب انصاری دے گھر دے سامنے بیٹھ گئی۔ ایہ بوہت وڈی سعادت حضرت ابو ایوب انصاری ای نوں کیوں نصیب ہوئی۔ حقیقت وچ ایہ سب کجھ حکم الہی دے تحت ہو یا تے حضرت ابو ایوب انصاری رب العزت ولوں ای رحمت دو عالم محمد مصطفیٰ ﷺ دی میزبانی لئی چنے گئے۔

مسجد نبوی: حضرت ابو ایوب انصاری دے مکان دے سامنے زمین دا اک ٹکڑا سی۔ جتھے رسول خدا دی اونٹنی آ کے بیٹھی سی۔ ایسے زمین دے مالک بنو نجاد دے دو یتیم بچے حضرت سہیل تے حضرت سہل سن۔ نبی کریم نے انصار نوں سد کے فرمایا! میں ایہ زمین مل لینا چاہندا ہاں تاں بے ایسی جگہ مسیت بنائی جاوے۔ زمین دے مالکاں تے اوہناں دی والدہ ماجدہ نے عرض کیتی یا رسول اللہ ﷺ! ایہ زمین اللہ تعالیٰ دی رضائی آپ دی نذر کر دے ہاں۔ رسول اللہ ﷺ نے فرمایا اللہ کریم تہا نوں جزا دیوے پر ایہ زمین میں بغیر قیمت دے نہ لواں گا ایس بارے کئی روایتاں نیں۔ اک روایت ایہ ہے کہ حضرت ابو بکر صدیق نے ادا فرمائی۔ فتح الباری دی روایت دے مطابق ایس زمین دی قیمت حضرت ابو ایوب انصاری نے ادا فرمائی سی۔

غزوات وچ شرکت

۵۲ وچ غزوات دا سلسلہ شروع ہو یا۔ غزوہ بدر توں بیعت رضوان تیکر تے بیعت رضوان توں صفین تیکر دے ہر معرکے وچ حضرت ابو ایوب انصاری شریک سن۔ فتح مکہ دے وچ دس ہزار جاثراں وچ شامل سن۔ حضرت علی دی شہادت دے بعد حضرت ابو ایوب انصاری سیاسی ہنگامیاں ولوں کنارہ کش ہو گئے تے گوشہ نشین ہو

گئے پر جہاد و اشوق اوہناں دے دل وچ ہر ویلے ٹھاٹھاں ماردار ہندا سی۔ ایہو وجہ اے کہ ۵۱۵ھ وچ حضرت امیر معاویہ نے اسلامی لشکر قسطنطنیہ لئی ٹوریا تاں حضرت ابوایوبؓ دی عمر اسی سال سی۔ ایس عمر وچ وی آپ لشکر وچ عام مجاہد سپاہی وانگوں شریک ہوئے۔ حضرت ابوایوب انصاریؓ نے اسلامی لشکر دے سامنے جہاد دے فضائل بیان کیتے۔ جہاں توں مسلمان سپاہیاں دے دلاں وچ نواں جوش تے جذبہ پیدا ہویا تے اوہناں نے رومیوں اتے جان توڑ بلہ کیتا تے چھیتی ای اوہناں نوں سن اتے مجبور کردتا۔ رومی شہر وچ جانکے تے تفصیل دے بوہے بند کر لئے۔ مسلماناں نے شہر دا محاصرہ کیتا تے اوہنوں فتح کرن لئی مناسب موقعے دی ٹوہ وچ رہن لگ پئے پر اوہنوں دی آب و ہوا مسلماناں نوں راس نہ آئی۔ کثیر تعداد ڈھڈ دی بیماری نال بیمار ہو گئی۔ اکثر مجاہدین دست دی مرض پاروں اللہ نوں پیارے ہو گئے۔ حضرت ابوایوب انصاریؓ وی ایس موقعے اتے سخت بیمار ہو گئے تے اپنے خالق حقیقی نوں جا ملے۔

ان اللہ وانا الیہ راجعون۔

مزار مبارک

جدوں ۸۵۷ھ وچ سلطان محمد فاتح نے قسطنطنیہ اتے اسلام دا جھنڈا جھلایا تاں اوس ویلے بوہت ڈھونڈ تلاش دے بعد مزار نوں زمین پٹ کے برآمد کیتا گیا تے ایس جگہ عالیشان گنبد تعمیر کیتا گیا تے اوہدے لاگے ای اک بوہت وڈی مسجد بنوائی گئی۔ جیہڑی اج وی برادر اسلامی ملک ترکی وچ موجود اے۔

طبقات ابن سعد وچ اے کہ قحط دے زمانے وچ رومی عیسائی حضرت ابوایوب انصاری دے مزار اتے حاضری دیندے رہندے سن تے آپ دے ویلے نال مینہ لئی دعا منگدے سن تے ایہ مراد پوری ہو جاندی سی۔

فیض پور خورد دوا آل دوالا

تحریر: عبید اللہ عربی

لاہور توں لہندے پاسے باراں کلومیٹر دی مسافت اتے راوی دریادے کنڈھے ایہہ نیویں جیہی جاگہ اتے آباد پنڈ چوہہ صدیاں توں آل دوالے دے پنڈاں لئی مرکزی تے وڈا پنڈا اے۔ پنڈ دے قطب پاسیوں کدی نکلی جنی سڑک جڑانوالا روڈ (شرقی روڈ) ایہدے تیکر آؤن جان دا ذریعہ چلی آرہی سی۔ ترقی دی لہر آئی، موٹر وے بن گئی۔ فیض پور ٹول پلازہ نے ایس دھرتی اتے وی ترقی دا چھٹا لدا۔ بیابان تے بنجر دھرتیاں آباد ہو گئیاں۔ اراضی دی قیمت لکھ لکھ مرلے تیکر اڑ گئی۔ طیبہ گارڈن، الرحمن گارڈن، سبحان گارڈن، رحمن سٹی، بخش ٹاؤن تے ہور کئی گارڈن بننے شروع ہو گئے۔ فیض پور خورد دے سٹاپ اتوں آلے دوالے دے پنڈاں دے لوک چڑھدے اتر دے رہے۔ ایہتھوں دے سکول وچ آلے دوالے دے پنڈاں دے کڑیاں منڈے آکے علم دے زیور نال مالا مال ہندے رہے۔ ایس مضمون وچ اج میں فیض پور خورد دے آل دوال دے پنڈاں دا ذکر کراں گاتے اوہناں دی وجہ تسمیہ تے اوہتھوں دے کجھ سرکڈھویں بندیاں دا تعارف کرواواں گا۔

اڑباں دا ڈیرہ

ایہہ نکا جنا پنڈاں کل تاں موٹروے دے لاگے اے۔ کدی لہورتوں
لہندے پاسے تے فیض پور خوردتوں پہاڑوے بوہت وچھڑیا ہو یا جا پداسی۔ ایہتھوں
دے لاہور جان والے بندے راوی دریا دی کاچھل وچوں لنگھدے۔ ایہہ بیلا
پلچھی، دبھ سر، دبھ، پوہلی، بھکھڑا، مولیاں، اٹ سٹ تے ہورون ون دیاں جڑی
بوٹیاں تے نباتات نال بھریا ہو یا سی۔ راہی پاندھیاں دے پیراچھ جانڈے۔ اڑباں
دے ڈیرے دے لوگ اکٹھا سوداوست لیا کے سانہ لیندے۔ ساؤن بھادوں وچ
جدوں راوی دریا دیاں چھلان کنڈھیوں باہر نکل کے خونی ہڑ داروپ دھار لیندیاں
تاں ایہہ پنڈ زڑھ پڑھ جاندا۔ توڑی دے پلے، دانے اناج دے بھڑوے، لیف
رضائیاں تے منجیاں پیڑھیاں ہڑ روہڑ لے جاندا۔ کوٹھے ڈھیہ ڈھیری ہو جانڈے۔
پراہتھوں دے وسنیک بڑے محنتی، جفاکش تے ہمت والے سن۔ اپنیاں زمیناں چھڈ
کے کتھے جانڈے؟ اٹ نال لڑے کما، گلگیاں مرچاں، کیا ہواں دیاں فصلاں تک تک
کے اوہناں نوں ڈوب پیندے۔ راوی دے برساتی ویہن سکدے تاں کہی رنبہ تے
ہل لے کے فیر بپ جانڈے تے بیابان نوں سبزہ زار بنا دیندے۔ اجکل ایس پنڈ
دے لہندے پاسیوں سائنس دے دور دی اک لہر موٹروے لنگ گئی اے۔ تے ایس
اجاڑ دھرتی نوں چارجن لگ گئے نیں۔ لاہور ولوں اضافی بستیاں ایس پنڈ تیکر کھل
آئیاں نیں۔

چوہدری فضل دین (پہلے) دا ڈیرہ

اڑباں دے ڈیرے دے نال ای ایہہ نکاجنن پنڈ فیض پور خوردی پہاڑ
والی نکرول آباد اے۔ ایہہ وی راوی دریا وچ ہر سال غوطے کھانڈا رہیا۔ ماضی وچ
ایتھوں دے وسنیکاں دیاں فصلاں، مال ڈنگر ہڑو ہڑدارہیا۔ زہریلے سپارے دے
ڈنگ لان نال کئی انسانی جاناں ضائع ہوئیاں۔ گدڑ، سور، سیہاں تے جگلی بلے
فصلاں، مال مویشی تے انساناں لئی مصیبت بنے رہے۔ فیض پور خوردی وچ ایس پنڈ
دے وسنیک سودا سلف لین آؤندے۔ تاں انج ایس پنڈ نال ساہنچھ بنی رہندی۔ ایہہ
پنڈ چوہدری فضل دین دے نان اتے آباد اے۔ لوک ناں وگاڑ کے پھلے دا ڈیرہ
آکھدے نیں۔ کاغذاں وچ سکیاں کلاں پار دے نال پچھانیا جاند اے۔ ایس
پنڈ وچ اک میاں اسماعیل ہوگزیار اے۔ اوہنوں دینی لگن سی۔ فیض پور خوردی جامع
مسجد وچ جمعے دی نماز پڑھن آؤندا۔ جٹاں والے دے میلے وچ آکے قوالاں دے
لاگے بہندا۔ ادبی ذوق وی رکھدا سی۔ مسیتے دیوے دے چاننے کچھ مسئلے مسائل لکھدا
رہندا۔ ایہناں دا آؤن جان میرے والد بزرگوار اثر صاحب ناں رہیا۔ اثر صاحب
نے ایہدی اک کتاب وی چھپوائی سی۔ ایس پنڈ دے لاگے اک ہور بزرگ دا پوتر
نشان وی اے۔ جنہوں ”جلی پیر“ دا آستانہ آکھدے نیں۔ اتھے میلہ بہندا اے۔
جہناں دے کنڈھے ٹڈھرا نچھے دے اک درویش نے راوی دریا دے کنڈھے اتھے
چلہ کیتا سی۔ ایس جاگہ نوں ول دتا گیا۔ صاحبزادہ منظور احمد ہاشمی ٹڈھرا نچھے وچوں آ
کے اپنے ایس وڈو ڈیرے دی جاگہ اتے بیٹے سالاں وچ رونق ودھاندا رہیا اے۔

منظور احمد ہاشمی اک شاعر اے۔ ایہدی کتاب وی رونمائی اثر صاحب نے اپنے ڈیرے تے فیض پور خورد وچ کروائی سی۔ تے منظور احمد ہاشمی دی تاجپوشی وی کیتی سی۔ ایس اکھ وچ الیاس گھسن، پروفیسر غلام رسول آزاد، عباد نبیل شاد، محمد صدیق صبر قادری، عبیدہ سید تے اوہناں دی بیٹی دلاری نے وی شرکت کیتی سی۔ چوہدری فضل دین گھوڑی اتے بہہ کے جدوں فیض پور خورد آوند اتناں اثر صاحب نوں وی بڑے پیارناں ملدا۔ اجکل ایس پنڈ وچ ترقی دی لہر نے رنگ کھلا دتے نیں۔ بھکھڑے تے پلچھی دی جاگہ موتیا، ست رنگا گلاب، چنبیلی تے گینڈے دے پھل کھڑ رہے نیں۔ لوکائی بڑی خوشحال ہو رہی اے۔

جٹاں دا پنڈ

راوی دریا دے کتھھے ایس پنڈ دیاں تہذیبیاں ثقافتاں نے جنم لیا۔ تے ودھیاں پھلیاں تے دریا راوی دے وہناں وچ دن ہو گئیاں۔ جٹاں دا پنڈ میٹھ پور خورد توں پہاڑ دی نکر وچ آبادی۔ ساؤن بھادروں آوند اتناں ایہہ پنڈ کاہی، دبھ تے پلچھی دے نیلے وچ لک، جاندا۔ کاہی پھلدی، پلچھی اتے بور آوندے، جنگلی خرگوش، بئیرے تے تتر تے جنگلی کبوتر اں دیاں ڈاراں ایس علاقے نوں بڑا سہانا روپ دتی رکھدے۔ ایہتھوں دے لوک بڑے ای سادہ، قد کاٹھ والے تے کھنڈے کھنڈے نیں۔ ایس پنڈ وچ بابا نور شاہ ولی دامزاری۔ بوہڑاں دیاں چھاواں، انزار دا گلہ، لاگے ای پکیاں اتناں دی نکلی جٹی مسیت، سکاوے (مٹسل خانے) تے کھنڈے پانی دی کھوئی بیٹے سے دی یاد دلاندے نیں۔ ہاڑ دی پہلی جہزرات نوں نور شاہ ولی دا بیٹا۔

لگدا۔ برج اٹاری، فیض پور خورد، شرقپور شریف تے لاہوروں حلوائیاں دیاں ہٹیاں
آوندیاں۔ بھنگوڑے تے سرکس لگدے۔ چوڑیاں والیاں بیبیاں چار دن پہلاں ای
آکے ”کڑیو چوڑیاں چڑھا لوؤ، کڑیو ننگاں پوالوؤ“ دیاں واجاں دیندیاں۔ ایس میلے
وچ رستم زماں، گاما پہلوان تے رستم ہندامام بخش پہلوان نے وئی اک دو سال اپنے
پٹھے شاگرداں نال شرکت کیتی سی۔ قوالی ہندی، حال پیندے، حالیاں نوں بوہڑ دے
ٹہناں نال بند دتا جاندا۔ حال کھیڈ کھیڈ کے جدوں ہلار الیندے تاں بڑے پراسرار
جاپدے۔ رات نوں راس دھاریے سانگ بدل کے تماشے دے اکھاڑے
لاندے۔ گیس دی نمی روشنی وچ پورن بھگت، ہیرا نچھاتے لیلیٰ مجنوں دے نائک
بہندے۔ ملکہ ترنم نور جہان دی نانی عید و بانی دیاں سُر اں رات نوں میلاں تیکر سنیاں
جانندیاں۔ راوی دریانے ڈھاہ لائی تاں ایہہ پنڈ دریا دی نذر ہو گیا۔ بوہڑاں مسیت،
سکاوے،، بابا نور شاہ دامزار، پنڈ دے کوٹھے حویلیاں تے ٹو کے کھریاں دریانے
اپنے وہن وچ لکائے۔ ایتھوں دے وسنیک جڑا نوالا روڈ تے فیض پور خورد دی
لہندی قطبی گٹھ دے آکے آباد ہو گئے۔ تے ایس بستی داناں کوٹ نور شاہ رکھیا گیا۔

جٹاں والے پنڈ وچ بابا نور شاہ ولی دے مزار دے متولی انصاری خاندان
ای ٹرے آرہے سن۔ اجکل وی ایہو انصاری خاندان بابا نور شاہ ولی دے مزار دی سیوا
کر رہیا سی کہ اچانک محکمہ اوقاف نے ایہہ دربار اپنے کنٹرول وچ لے لیا اے۔
میاں محمد یونس مرحوم، میاں محمد یعقوب، محمد صدیق، میاں امیر علی، جعفر علی انصاری فیملی
دے چشم چراغ نیں۔ دم دھا گاوی کر دے نیں۔ جٹاں والے پنڈ اک برادری مہتم
(بھٹی) دیاں بیبیاں کڈی مونجیاں کنکاں دیاں فصلاں دے دوران ڈگے تے رہے

رہونے دانے اکٹھے کر کے ویلا لنگھانندیاں سن۔ ایسے برادری نے باغاں دی راکھی تے باغ خریدن ول توجہ دتی تے دناں وچ امیر ہو گئے۔ اج ایہناں دے رہائشی مکان دو جے لوکاں دیاں بلڈنگاں کوٹھیاں تے چباریاں توں گھٹ نہیں ہیگے۔ وان وٹن والے ایہہ لوک سارا سارا دن کوٹ نور شاہ دے سٹاپ اتے وہلے بیٹھے رہندے سن۔ اج اوہ سیاست وچ وی حصہ لے رہے نیں۔ شرافت علی بھٹی کونسلر تے نجمہ لیڈی کونسلر ایسے برادری وچوں نیں۔

جٹاں والے پنڈنوں جدوں راوی دریا نے اپنے وہن وچ برد کر لیا تاں بابا نور شاہ ولی دا تابوت باہر کڈھیا گیا۔ تے چن دی چاننی وچ رات نوں پنڈاں وچ اعلان کروا کے آپ دا جنازہ دوبارہ پڑھ کے کوٹ نور شاہ پنڈ وچ مزار بنا دتا گیا۔ جٹاں والے پنڈ دے کھنڈرات والی جاگہ اتے وی بابا نور شاہ ولی دی یاد (ڈھیری، جھنڈا، چوکھنڈی) قائم اے۔ اتھے وی میلہ ہندا اے۔ بابا نور شاہ ولی دیاں کجھ نشانیاں سکیاں کلاں موتی فوجی وچ دفن نیں۔ اتھے سال وچ دو واری میلہ ہندا اے۔

کوٹ نور شاہ پنڈ وچ اجکل ڈپنسریاں، پرائیویٹ سکول، پراپرٹی دے دفتر، کڑیاں دا پرائمری سکول، منڈیاں دا پرائمری سکول تے گوشت دے ہٹ بن گئے نیں۔ مرزا لال دین مغل کوٹ نور شاہ دے رہن والے سی۔ ایہناں اثر صاحب دے مشاعریاں وچ وی رلت کیتی۔ تے اک دو واری اپنے گھر وچ وی مشاعرے کروائے۔ جیہدے وچ طالب چشتی دی کتاب ”کچیاں پکیاں تنداں“ دی رونمائی ہوئی۔ یوسف موج، صحرائی گورداسپوری، طفیل خلش، گلوکار ظہور حسن، گلوکار لال دین شہبازی نوں اثر صاحب نے ایس محفل وچ بلا کے رونق نوں چارچن لادتے سن۔

سیٹھاں داٹھھ

راوی دریاد نے کنڈھے اک جنت نظیر آبادی سیٹھاں داٹھھ آبادی۔ دریا نے ڈھاہ لائی تاں ایہہ پنڈوی دریادی نذر ہو گیا۔ نوکی تے پیڑے ورگے آڑو، آلوچے، امرود تے نمبوواں دے باغ ریتلے بریتے بن گئے۔ سیٹھ برادری ایٹھوں نقل مکانی کر کے موجودہ کوٹ نور شاہ وچ آوے۔ حکیم سیٹھ نجم الدین، حکیم نواز، حاجی سیٹھ نذیر، حاجی سیٹھ ظہور دین، سیٹھ محمد اقبال، سیٹھ عبداللہ ایڈووکیٹ مرحوم دیاں اولاداں اتھے آباد نیں۔ ایہناں وچوں بوہتے لاہور سرکاری دفتران وچ ملازمتاں کر رہے نیں۔ سیٹھ عبداللہ ایڈووکیٹ دے ناں اتے کوٹ نور شاہ وچ پولیس چوکی وی بن گئی اے۔ سیٹھ فیملی بڑی شریف، ملنسار، صاف ستھری تے عبادت گزار اے۔

ڈھڈیاں تے چاڑ

فیض پور خورد دے پہاڑ پاسے تھوڑے تھوڑے گھراں دی آبادی کولوکول آباد اے۔ ایہنوں ڈھڈیاں تے چاڑ آکھیا جاندا اے۔ ہن تے ایہہ دو محلے بن چکے نیں تے آبادی اک دو جے نال مل گئی اے۔ اتھے جو یا فیملی تے گجر برادری آباد اے۔ جوئے واہی نیجی کردے نیں۔ محمد علی جو یا سرکاری ملازم سی۔ اوہدی اولادا جکل لاہور مقیم اے تے کجھ افراد باہر دے ملکاں وچ نیں۔ ماسٹر محمد سرور (موجودہ ہیڈ ماسٹر) وی ایسے پنڈ دار ہن والا سی۔ محمد ارشد منشی انصاری (بلال گنج لاہور) نے وی ایسے پنڈ وچ قیام رکھیا۔ گجر برادری دے افراد واہی نیجی دے نال نال دودھ چوان دا کم کردے آرہے نیں۔ چوہدری مشتاق گجر دا بڑا ناں اے۔ گجر برادری دے افراد

نے سیاست وچ وی حصہ لیا اے۔ ایسٹھوں دے حاجی محمد صدیق گجرتے حاجی الیاس عثمان گجر (موجودہ ناظم بادامی باغ لاہور) بڑے سرکردے بندے نیں۔ حاجی الیاس عثمان گجرتاں دور سلف دی یاد تازہ کر رہے نیں۔ تہجد گزار، فجر دی نماز باجماعت پڑھن والا ایہہ بندہ چاشت تے اشراق تیکر تلاوت، ذکر فکرتے وعظ نصیحت ئی مسیت وچ مصروف رہندا اے۔ دعائے خیر دے بعد یونین کونسل، میوہ منڈی دی آڑھت، واہی نبی تے برادری دے کماں کاراں وچ رُجھ جاندا اے۔ کئی وار حج تے عمرے دی سعادت پا چکے نیں۔ آل دوالے ایہناں دے روابط ہین۔ گجر برادری دی رہنمائی کردے آرہے نیں۔ ”کاروان اخوت“ دے ناں اتے تنظیم بنائی اے۔ اثر صاحب دے کول مشاعریاں تے سماجی رفاہی پروگراماں وچ شرکت کردے رہندے نیں۔ بڑے ای اخلاق والے ملنسار، روشن ضمیر تے روحانی فیض نال مالامال نیں۔ ایہناں سید نفیس شاہ صاحب دی بیعت کیتی تے تبلیغ ول بڑی توجہ دیندے نیں۔

ستار والا

فیض پور خور دے لہندے پاسے موجودہ سبحان گارڈن، موٹروے دا پل تے بابا پیرولی دا قبرستان لنگھے تاں چند گھراں اتے آباد اک نکاجناں پنڈ ستار والا اے۔ اتھے چوہان برادری آباد اے۔ ایہہ لوگ برج اٹاری تے چھبیل وچوں آئے آباد ہوئے تے اپنیاں پیلیاں وچ واہی نبی کردے آرہے نیں۔ بڑے قد آور، رنج کے سوہنے، لال گورے رنگ دے تے جیلے جوان نیں۔ سرور تے عنایت دیاں دے قبیلے اج کل بڑی ترقی کرے آسودہ زندگی گزار رہے نیں۔ ایئر کنڈیشنڈ کاراں شاندار

بلڈنگاں کوٹھیاں تے اسلحہ تے شوکا شوکی ایہناں دانرالا اندازاے۔ ستاروالا دے رائے گئے
 کجھ گھر (نومسلم) مصلیاں دے نیں۔ ایہہ لوک نوچی کنٹن، کنک وڈھن تے واہی بیجی
 واکم کر رہے نیں۔ ایہناں وئی اپنے مکان محل نما بنائے نیں۔ تے کئی رکشے بنا کے
 سواریاں ڈھونڈے نیں۔ ملک محمد الیاس چوہان عرف کا کا سیاسی ذوق وی رکھدا اے۔

بگھیاڑ والا

بابا پیرولی قبرستان دے لاگیوں اک راجباہ لہندے پاسے پھٹدا اے۔ تے
 ایہہ نکی جنی نہر واہرے تے بگھیاڑ والا دے کھیتراں وچ جا کے جذب ہو جاندی
 اے۔ بگھیاڑ والا دا پنڈا ایسے نہر دے پہاڑ بنے اے۔ ایہتھے ٹیلیفون ایکسچینج وی اے۔
 بگھیاڑ والا وچ آرائیں برادری آباد اے۔ ایہتھوں وی کجھ لوک لاہور جا کے مقیم ہو
 گئے نیں۔ ایس پنڈ دی وجہ تسمیہ ایہہ دسی جاندی اے کہ کدی ایس پنڈ دے آل دوالے
 جھنگلی (رکھ) سی۔ ایہدے وچ اک موذی بگھیاڑ ایہتھوں دیاں بھیداں بکریاں نوں
 چیر دا پھاڑ دار ہندا سی۔ ایس لئی ایہداناں بگھیاڑ والاں تک گیا۔ حاجی مظفر علی ایہتھوں
 دا اک مثالی زمیندار اے۔ سیاست وچ بڑاناں پایا۔ برج اتاری دی یونین کونسل وچ
 چیئرمین رہے تے ایہناں دامیو ہسپتال روڈ لاہور وچ حسان پرنٹرز دے ناں اتے اپنا
 پریس اے۔ آپ ہوائی جہازاں دیاں کمپنیاں وچ جدہ سعودی عرب وچ وی ملازمت
 کردے رہے نیں۔ بڑے ملنسار، اخلاق والے تے مہمان نواز نیں۔ ایہناں دے
 بچے بچیاں اعلیٰ تعلیم حاصل کر رہے نیں۔

واہگرے

بگھیاڑ والا دے لاگے نہرتوں قطب پاسے ول ایہہ نکا جناں پنڈ اک
 برساتی نالے بھید دے کنڈھے اتے آباد اے۔ ایہہ پنڈ واہی واناں دا پنڈ اے۔
 ایہتھوں دے لوک بڑے محنتی تے جفاکش نیں۔ موجودہ پوددو جے پنڈاں قصبیاں
 دے شانے بشانے اعلیٰ تعلیم حاصل کرن لئی کوشش کر رہی اے۔ چوہدری ندیم نمبردار
 دانیو انگلش ایجوکیشن سکول تے ماسٹر اکبر علی دا پرائیویٹ سکول وی بن چکے نیں۔
 گورنمنٹ پرائمری سکول بوائز تے گرلز سکول وی بن۔ پنڈ وچ دو تن مسیتاں وی
 نیں۔ چوہدری محمد ندیم نمبردار، چوہدری جہانگیر، چوہدری محمد رزاق، چوہدری امانت
 علی، چوہدری محمد عبداللہ تے لیڈی کونسلر ریحانہ دے ادم نال اتھے شہباز انکم سپورٹ
 پروگرام تے بے نظیر انکم سپورٹ پروگرام دے سبب لکھاں روپے غریباں وچ ونڈے
 گئے نیں۔ عبدالغفار تے ماہی یار ایسے پنڈ دے وسنیک نیں۔ جیہڑے شعر و شاعری
 نال وی ذوق رکھدے نیں۔ ماہی یار کنگ اتے گاؤن دا ٹھکر وی رکھدا اے۔ قاری
 عبدالحمید سہونے کجھ سال ایس پنڈ وچ کڑیاں منڈیاں نوں قرآن مجید پڑھاؤن دا
 درس وی بنایا سی۔ اثر صاحب نے ماضی وچ ماہی یار تے عبدالغفار وی دستاویز وی
 کرائی سی۔

بنسی نگر

واہگرے پنڈ دے لاگیوں اک سڑک بنسی نگر پنڈ ول جاندی اے۔ ایہہ
 پنڈ بھید نال تے برساتی نال بن دے سنگھم وچ آباد اے۔ گورنمنٹ پرائمری سکول

قائم اے۔ ایتھوں سے وسنیک واہی نیجی کر دے نیں۔ پنڈوں لہندے پاسے اک
 بنجرتے بیابان رقبہ سی۔ جتھے کابلی نکران دیاں جھنگھیاں سن۔ حکومت نے ایس رقبے
 نوں آباد کرن لئی رضا کار تے آرمی جواناں دیاں ڈیوٹیاں لایاں۔ اینہاں نے دن
 رات محنت کر کے کابلی نکر تے جھاڑیاں نوں تلف کر دتا تے پاپوردی کاشت کر کے
 ایس بنجرتے بیابان رقبے نوں آباد کر دتا اے۔ سگوں راجباہ دے کنڈھے والی سڑک
 دے دورویہ پاپولر لاکے ایس راہ نوں بڑا من موہنا بنا دتا اے۔ چوہدری محمد طفیل ایس
 پنڈ دا ڈیرے دار تے واہی وان اے۔ قاری عمر حیات اتھے کڑیاں منڈیاں نوں
 قرآن پاک دی تعلیم دے رہے نیں۔ فیض پور خورد داما سڑ محمد رفیق گورنمنٹ پرائمری
 سکول بنسی نگر دا ہیڈ ماسٹر اے۔

بھلے اندرون

فیض پور خورد دے سٹاپ توں اک پکی سڑک راجباہ دی پل لنگھ کے بھلے
 اندرون پنڈ نوں جاندی اے۔ بھلے اندرون نوں کدی وٹاں تے کچے راہواں نے
 فیض پور خورد نال ملایا سی۔ ترقی دی لہر دوڑی تاں ایس پنڈ تیکر پکی سڑک بن گئی۔
 دو جی سڑک موٹروے بن دے نال سبحان گارڈن توں موٹروے دے نال نال پنڈ تیکر
 جاندی اے۔ تے ایس سڑک اتے بخش ٹاون آباد ہو رہیا اے۔ بھلے اندرون وچ
 بھلے جٹ فیملی تے ملک برادری آباد اے۔ ایہہ دونویں فیملیاں بڑیاں امیر، پیلی بنے
 تے بوہڑ والیاں نیں۔ چوہدری سردار خان تے چوہدری بلند خان دیاں اولاداں
 وچوں کجھ تاں باہر چلے گئے نیں تے کجھ پنڈوں نقل مکانی کر کے لاہور جا مقیم ہوئے

نیں۔ ملک برادری نے سیاست وچ بڑا عروج پایا اے۔ وڈے وڈے ڈیرے، کوٹھیاں، بلڈنگاں لہنہاں دی آسودگی دا ثبوت نہیں۔ ملک محمد سردار نے کوٹ عبد المالک وچ کدی اک پرائمری سکول دی ”سردار ماڈل ہائی سکول کوٹ عبد المالک“ دے ناں نال بنیاد رکھی سی۔ اج اوہ کوٹ عبد المالک دا مثالی سکول اے تے سرکاری تحویل وچ آچکیا اے۔ ملک نظام دین، ملک سلام دین دیاں اولاداں بڑی ٹھاٹھ باٹھ دیاں زندگیاں گزار رہیاں نہیں۔ ملک نذیر احمد تے ملک محمد اشرف نے سیاست وچ وی حصہ لیا اے۔ ملک محمد اشرف نے لوکائی نوں اپنے خلق پیارتے چنگے ورتارے نال موہ لیا اے۔ ملک محمد وارث وی سیاسی ذوق رکھدا اے۔ موٹروے بنی تاں ایس پنڈ دے سرکردہ لوکاں نے مل کے پنڈ دے لاہنگے تے آرام لئی موٹروے دے اتوں لنگھن لئی پل وی بنوایا تے سڑک دے تھلیوں دوپلاں بنوا کے مال ڈنگرتے لوکائی دے لنگھن لئی پنڈ ول دوراہ وی بنوالے۔ اتھے ملک برادری نے بوہت وڈا قرآنی درس وی بنوایا اے۔ پر جے اوہ صحیح طراں آباد نہیں ہو رہیا۔ ملک محمد یعقوب نے ملت ٹریکٹری وچ ملازمت وی کر لئی اے۔ تے اج ملک برادری دے سارے گھر اپنے منڈے کڑیاں نوں اعلیٰ تعلیم دلواد رہے نہیں ایس پنڈ نوں دو سڑکاں۔ ایس فیض پور خورد نال ملان وچ ملک محمد اشرف دا بڑا ادھم اے۔

دیڑھ

فیض پور خورد دے سٹاپ توں قطب ول نہر دی پل توں جیہڑی پکی سڑک بھلے اندرون ول جاندی اے رحمان سٹی لنگھ کے اوہدے وچوں اک پکیاں اٹاں دی

(سولنگ) سڑک دیرھ پنڈول چلی جاندی اے۔ ایہہ پنڈ کھریل، ورک تے ڈھڈراں دیاں فیملیاں دا اے۔ کدی ایس پنڈ دے لہے پوچے کچے کوٹھے دوروں چٹی کھنڈ وانگوں نظر آوندے سن۔ ہن ایہہ پنڈ وی سائنس دے دور وچ بلڈنگاں، کوٹھیاں داروپ دھار گیا اے۔ چوہدری اللہ دتہ ورک دے پتر چوہدری فیض تے چوہدری عطا محمد تے چوہدری ثنا اللہ تے حاجی اللہ دتہ نے نویں ڈھنگ نال واہی بیجی کر کے کاشت کاراں وچ بڑاناں پایا اے۔ چوہدری فیروز دین دے پتر اں نے وی پڑھ لکھ کے اچا مقام حاصل کر لیا اے۔ ڈاکٹر سیف اللہ نے ایم بی بی ایس کر کے بیگم کوٹ وچ علی ہسپتال بنایا تے اتھے ای سکونت کر لئی۔ ایہہ اوڈا بھرا ماسٹر عنایت اللہ سکول ٹیچر سی۔ ماسٹر عنایت اللہ دی اولاد نے عنایت ہائی سکول بنا کے بیگم کوٹ وچ علم دا چان وڈیا اے۔

ڈھڈراں نے شروع وچ ایس پنڈوں جا کے اپنے کھوہ اتے سکونت کر لئی۔ اوڈوں کوٹ عبدالمالک دا بچے نام نشان وی نہیں سی۔ ڈھڈراں نے اوٹھے مرغی خانے بنائے تے سیاست وچ جھنڈا گڈیا۔ چوہدری احمد دین دی اولاد وچوں چوہدری محمد شریف ڈھڈرنے بی اے تک تعلیم وی پائی۔ چوہدری محمد شریف میرے والد دا جماعتی وی اے۔ تے چوہدری محمد صدیق کوٹ عبدالمالک دی یونین کونسل وچ ناظم دا لیکشن لڑا آرہیا اے۔ مولوی عبدالحق انصاری دیرھ پنڈ دا قدیمی امام تے خطیب آرہیا اے۔ دیرھ پنڈ دے قطب پاسے کوٹ عبدالمالک دیاں اضافی بستیاں آباد ہو رہیاں نیں۔ جویں گلشٹاں ناؤن، جمال ناؤن تے اقبال ناؤن وغیرہ۔ چوہدری شاہ محمد چندھڑ، چوہدری حب علی چندھڑ، چوہدری مولوی نصیب علی چندھڑ تے چوہدری نذر

احمد چندھڑا سا رارقبہ گارڈن داروپ دھار گیا اے۔ چندھڑاں دے ڈیرے دے پہلے وسیب کچیاں کندھاں، کھوہ، گائیں مجھیں تے خچراں گھوڑے نویں وسیب دے تھلے دُن ہو چکے نیں۔ گھوڑے دی تھاں پجارو، کھوہ دی تھاں ٹوب ویل تے کچے کوٹھیاں دی تھاں عالی شان بلڈنگاں نے لئے لئی اے۔ دیرھ دے لاگے دین داراں دے دو ڈیرے پاکستان بنن توں لے کے آباد نیں۔

دیرھ توں قطب پاسے اک دین داراں دا ڈیرہ آباد اے۔ بن ایہہ سارا پختہ اُسر چکيا اے۔ دین داراں دا ڈیرے دا اک خاندان پاکستان بنن توں لے کے ہن تیکر نمبر داری کردا آ رہیا اے۔ چڑھدے پاسے دو جا ڈیرہ محمد خان دین دارو اے۔ تے دیرھ توں تيجا ڈیرہ امیر خان دا اے۔ اے لوگ انڈیا دی ریاست بیکانیر وچوں تے ریاست راجھستان وچوں ہجرت کر کے پاکستان وچ آئے۔ مارواڑی بولی بولدے نیں۔ شروع وچ گداگری کردے رہے۔ ہر روز شاماں نوں آلے دوالے دے پنڈاں وچ ٹولیاں بن کے روٹی ٹکر منگن جاندے۔ جمعرات دے دیہاڑے پیاں تے مردن دیہاڑ پنڈاں وچوں نعتاں پڑھ کے آتا، روٹیاں تے پیسا دھیلہ لیاؤندے رہے۔

روزیاں دے مہینے وچ سرگی ویلے ڈھول تے دمن چھانا وجا سکری لئی لوکائی نوں اٹھاندے نیں۔ ایہناں دے وڈو ڈیرے بازی گرسن۔ دن دیہاڑاں اتے اپنے کرتب تے ہتھ دی صفائی دکھاندے تے بال پچیاں لئی روزی جمع کردنے۔ کئی بندے موہڈیاں اتے فلم دی مشین چک کے بالاں نوں مقامات مقدسہ دیاں زیارتاں تے باراں من دھوبن دے نوٹو دکھا کے بال بچے لئی نس بھیج کردے۔ اجکل ایہہ لوک

فیکٹریاں وچ ملازمت وی کرن لگ پئے نیں۔ ایہناں دے مرد تے تیویاں بڑے
ای فیشن ایبل ہندے نیں۔ عورتاں میک اپ تے ہار شدگارول بڑی توجہ دیندیاں
نیں۔ تے نکی عمرے ای ویاہیاں جانندیاں نیں۔

ٹھٹھہ لنگیاں والا

فیض پور خورد دے کچھ واہی وان گھرانے اپنے پیلیاں وچ چھپر، ڈھارے
تے کچے کوٹھے بنا کے آباد ہو گئے۔ ایس آرائیں فیملی وچوں اک موروثی لنگڑاٹریا آ
رہیا اے۔ ایس لئی ایس پنڈواناں لنگیاں دا ٹھٹھہ مشہور ہو گیا اے۔ ہولی ہولی ایس پنڈ
وچ مسیت تے درس بنایا گیا تے آبادی ودھدی گئی۔ منڈے، ڈولے تے دوجیاں
برادریاں نے ایس آبادی نوں چار چن لا دتے۔ اجکل پھلاں دی کاشت ہندی
اے۔ ست رنگیا گلاب، مہکی چنبیلی، رات دی رانی، دن داراجہ، روپل، موتیا، چنبا تے
مدہم تے شوخ رنگ دے گینڈے دے پھلاں ذیاں رنگینیاں تے مہکاں نے ایس
علاقے نوں جنت ورگا بنا دتا اے۔ ٹھٹھہ لنگیاں دے وسنیک بڑے ای عابد زاہد،
شریف تے بھلے مانس طبع دے نیں۔ ایہناں دے وڈ وڈیریاں وچوں میاں عبد
الرحمن، میاں نور برہان، میاں سلیمان نے بڑاناں پایا اے۔ ایسے فیملی وچوں پروفیسر
ملک محمد رفیق خالد تے اوہناں دی دھی اک گونا گوں علمی ادبی شخصیت نیں۔ حاجی محمد
عالم نے سیاست وچ حصہ لیا۔

ایتھوں دے خادم حسین نے گرین بیکری دی اودوں بنیاد رکھی جدوں کوٹ
عبدالمالک دی آبادی ٹانویں ٹانویں سی۔ ایہہ بندہ انگریزاں دے ملک وچ چلا گیا

تے اوتھے وی گرین بیکری کھولی۔ تے اجکل چٹھہ کالونی کول پٹرول پمپ بنا کے اپنے ملک وچ آوسیا اے۔ منڈا برادری وچوں ملک خوشی محمد نے بڑاناں پایا۔ چوہدری گلغام امین منڈا، چوہدری گلہباز امین منڈا تے چوہدری علی اصغر منڈا موجودہ ایم پی اے آہرنال لکھاں روپے بے نظیر انکم سپورٹ پروگرام تے نواز شریف شہباز شریف انکم سپورٹ پروگرام راہیں غریباں وچ ونڈ دے آرہے نیں۔

میاں مشتاق احمد نقشبندی مجددی داناں روحانی دنیا وچ چمک اٹھیا اے۔ آپ رستم سہراب سائیکل فیکٹری وچ ملازمت وی کردے نیں تے تعویذ دھاگہ وی۔ پابند صوم و صلوة تے ذکر اذکار دے چاہوان نیں۔ کالا باغ دے لاگے کوٹ چاندنہ شریف دے سید شمس الزمان، سید بدر الزمان تے قمر الزمان توں ایہناں نے روحانی فیض پایا۔ ٹھٹھہ لگیاں والا وچ اک بڑا وڈا روحانی فیض دا چشمہ جاری کردتا اے۔ پورے ملک وچوں مریض آکے صحت یاب ہو رہے نیں۔ عبدالجبار اثر نے اک کتاب ”انوار شمس“ لکھیہاں دی حیاتی اتے لکھ کے چھپوائی اے۔ نہر دے کنڈھے بوہت عالی شان مسیت تے آستانہ بنا چکے نیں۔ صبح شام لوکائی دم تعویذ دھاگہ لئی اتھے آؤندی جاندی رہندی اے۔ اتوارنوں سارا دن ایہہ سلسلہ جاری رہندا اے تے اتوارنوں سنگر وی تقسیم ہندا اے۔

سکیاں کلاں

راوی دریا دے کنڈھے تے فیض پور خوردتوں پونی صدی پہلاں دو کلو میٹر دے فاصلے اتے سکیاں کلاں بہت وڈا پنڈ آبادی۔ دریا نے ڈھاہ لائی تاں ایہہ پنڈ

کھیر و کھیرو ہو گیا۔ چھپر، بالکونیاں، باغیچے دریا دی نذر ہو گئے۔ اک پنڈتوں کئی پنڈت
سکیاں دے ناں توں بن گئے۔ ایستھوں دے وسنیک برج اتاری آئے تاں سکیاں خورد
دامحلہ بن گیا۔ ساندہ کلاں لاہور دے وچ سکونت کیتی تے او تھے وی سکیاں دے ناں
تے محلہ آباد ہو گیا۔ کجھ گھر کوٹ نوز شاہ وچ آوے۔ تے سیٹھاں نے اپنیاں زمیناں
وچ سیٹھاں داٹھٹھہ پالیا۔ تے بندوق شاہ دیاں سکیاں، خدایاں دیاں سکیاں نین سکھ
دے لائے نشی احمد والیاں سکیاں تے سکیاں موتی فوجی دے اڈا پنڈت بن گئے۔

سکیاں بندوق شاہ والیاں

راوی دریا دے کنڈھے پتن گتیاں والے دے لہندے پاسے پلچھی، دبھ،
دبھ تے سر، کانیاں وچ ایہہ پنڈ آبادی۔ ایہدے کجھ گھر جے وی او سے جگہ ای آباد
نیں۔ تے چڑھدے پاسے ول لاہور دیاں اضافی بستیاں تے بائی پاس نے لہنوں
اپنے نال ملا لیا اے۔ بائی پاس بنیا تاں میاں معراج دین مالی تے تاج دین مالی دے
رقبے دے وچکاروں سڑک لنگھ گئی۔ بادام، اخروٹ، ہریڑ، ایلچی، نمبو، امرود، امب،
جموں، لسوڑے تے ہورون ون میویاں دے باغاں وچوں لنگھن والی ایہہ سڑک بڑی
پراسرار تے رنگی جا پدی اے تے ایک حسین نظارہ پیش کردی اے۔

ڈاکٹر ریاض احمد مرحوم تے ایہدے بھراواں اتھے جدید طرز دے سوزو
پارک تے واٹر لینڈ بنا دتے نیں۔ گرمیاں دی رت وچ لاہور دے وسنیک نہاؤن تے
سیر سپاٹا کرن لئی ٹولیاں دی شکل وچ آؤندے نیں۔ ایہہ ماڈرن سکیمیاں سکیاں
بندوق شاہ دے پنڈنوں چھور ہیاں نیں۔ اک برقی جھولا دو کلو میٹر دی مسافت طے

کرن لکیاں ایسے پنڈ دے اتوں لنگھدا سی۔ بابا بندوق شاہ دے ناں اتے ایہہ پنڈ آباد ہويا۔ بابا جی نے وی اتھے اخروٹ، بادام، ہریڑ، امب تے جمواں دا باغ لوایا سی۔ وصال دے بعد بابا بندوق شاہ اپنے ای باغ وچ دفنایا گیا۔ دریا نے ڈھاہ لائی تاں ایہدا تابوت اکھنڑ کے شاہدرہ پنڈ دے چڑھدے پاسے جادے پنڈ دے لاگے حفاظتی بن دے کول دفناتا گیا۔

ڈاکٹر سید طالب بخاری بابا بندوق شاہ دامریسی۔ جنھے ”ہیردی حقیقت“ مقالہ لکھ کے پی ایچ ڈی کیتی۔ طالب بخاری دا پتر فیض پور خورد وچ ویابہیا اے۔ جدوں طالب بخاری نوں اثر صاحب دا پتر لگاتاں اوہ اچھے ملن آؤنہ رہے۔ اثر صاحب نے لہنہاں دی کتاب دی رونمائی وی کرائی۔ بیہدے وچ فلم سار حبیب، فلم سار بابرہ راج تے ایہدی بھین گلوکارہ حنا راج، فلم ساز صوفی بشیر احمد نقشبندی، فلم ہدایتکار سعید گل، فلم سار ابو شاہ، شکیلہ جمال، ڈاکٹر جمال ہشیار پوری تے ننکانے دے کچھ سکھناں تے ننکانے دی ای استاد محمد صدیق بیکس، گلوکار مبارک علی کنول، گلوکار رشید انجم تے پروفیسر اکرم شاہد نے وی شرکت کیتی۔

سکیاں بندوق شاہ وچوں ای چوہدری غلام حسین انسپکٹر ایکسائز اینڈ ٹیکسیشن دے وڈو ڈیرے اٹھ کے نین سکھ دے لاگے سکیاں کلاں وچ آباد ہو گئے۔ اتھے ای بابا محمد شریف بغدادی رحمۃ اللہ علیہ نے چھیکڑ لے دن لنگھائے تے وصال پا کے دفن ہوئے۔

سکياں کلاں منشی احمد علی والیاں یاں نین سکھ والیاں

ایہہ پنڈا جکل نین سکھ دی بستی وچ مدغم ہو گیا اے۔ باغاں وچوں پکياں سڑکاں لنگھن نال تے ترقی دے منصوبے بن نال ایہہ پنڈوی سائنس دے دور دامن موہنا پنڈ بن گیا۔ ایہتھوں ای اک کچی پکی سڑک دریادی کاچھل وچوں نیویں اچے راہ دے روپ وچ ڈیرہ فضل دین دے ڈیرہ اڑباں تیکر اڑدی اے۔ سکياں بندوق شاہ دے پنڈ وچوں اک گھرانہ اتھے آکے آباد ہو یا۔ ایس گھرانے دا اک مہدویش صفت بندہ قرآنی تعلیم حاصل کرن لئی پنڈوں پایادہ لاہور اڑیا تے فیر بمبئی وچ اڑ گیا۔ ایس بندے داناں غلام حسین المشہو بہا با محمد شفیق بغدادی رحمۃ اللہ علیہ اے۔ علم دا شوق ایہناں نوں بحری جہاز اتے ایران تیکر لے گیا۔ او تھے دل بھر کے مقامات مقدسہ دیاں زیارتاں کیتیاں۔ او تھوں پیدل ای عراق اڑے تے اتھے وی مقامات مقدسہ دیاں زیارتاں کردے رہے۔ دشت نینوا (کربلا) کوفہ، نجف اشرف، سامریاں دی بستی، دجلہ تے فرات داسنگم، نمرود دے شہر اُردے کھنڈراں نوں تکیا تے حج بیت اللہ دی سعادت پائی۔ فیر پیراں دے پیر شیخ عبدالقادر جیلانی رحمۃ اللہ علیہ دے لاگے بغداد شہر وچ اک حجرے وچ مقیم ہو کے چالی ورے لنگھا دتے۔ اتھے آپ لانگری وی رہے تے خزانچی وی۔ تے عربی زبان اتے دسترس حاصل کیتی۔ چھیکڑولی عمروچ پاکستان وچ آگے اتھے ای وصال پایا تے اتھے ای ابدی آرام گاہ بن گئی۔ اثر صاحب نال بڑی شفقت کردے رہے۔ ایہناں دے بھترے چوہدری غلام حسین انسپکٹر ایکسائز اینڈ ٹیکسیشن لاہور نے ایہناں دا بہت انی خوبصورت مزار بنا

دتا۔ لاگے ای اک نکی جنی مسیت بنوادتی۔ ہر سال اتھے تن دن داعرس ہندا اے۔
 ملک دے علاوہ عراق وچوں وی لوک آؤندے نیں۔ ملک دے نامور عالم فاضل
 حافظ قاری نعت خوان تے شاعر ادیب تے درویش فقیر آؤندے نیں۔ لنگر وٹیا جاندا
 اے تے قوالی وی ہندی اے۔ پہلی رات شپنے وچ قرآن مجید ختم ہندا اے۔ تے
 سارے حافظاں نوں خلعت فاخرہ، مٹھائی دے ڈبے تے نقدی نذر کیتی جاندی
 اے۔ عبدالبجبار اثر نے باباجی دی زندگی تے زہد، ریاضت بارے دو کتابچے وی لکھ
 کے چھپوائے نیں۔ تے اثر صاحب نے اک ضخیم کتاب نظم کیتی اے۔ جیہڑی جے
 چھاپے نہیں چڑھی۔ حاجی حافظ عمر حیات ایٹھوں دے امام تے خطیب نیں۔ چوہدری
 بشیر احمد منڈا اڈمبر فیض پور خوردتوں نقل مکانی کر کے اتھے ای مقیم ہو یا اے۔

سکیاں کلاں موتی فوجی

فیض پور خورد دے چڑھدے پاس ایہہ پنڈ اپنی بنتر تے خوبصورتی پاروں
 بڑا مشہور اے۔ فصلاں تے باغاں وچ لکھا ایہہ پنڈ رات نوں چن دی چاننی وچ بڑا
 ای پراسرار لگدا اے۔ کدی ایس پنڈ دے آلے دوالے وی بیلا ہندا سی۔ تے دن
 دیہاڑے ای گیدڑ، جنگلی بلے تے سؤر آبادی تے فصلاں نوں نقصان اڑاندے
 رہے۔ پراجکل سارے کچے راہ پکیاں سڑکاں داروپ دھار گئے نیں تے کچے مکان
 بلڈنگاں بن گئے نیں۔ الرحمن گارڈن سکیم نے ایس پنڈ دے زرعی رقبے نوں اپنی بکل
 وچ لے لیا اے۔ کھوواں دانشان مٹ داجا رہیا اے تے پانی دیاں ٹینکیاں بن گئیاں
 نیں۔ چوہدری فیروز دین عرف فوجی تے چوہدری موتی دو سکے بھرا ہوئے نیں۔

جہاں نے اپنی چوہدری ہٹ دلو ہیا راوی دریا دے کنڈھے اپنی ڈانگ دے زور نال
منوایا۔ ایہہ پنڈا وہناں دو بھراواں دے ناں اتے اے۔

موتی تے فوجی دیاں سکیاں

اجکل چوہدری مظہر، چوہدری صفدر، چوہدری شہباز، چوہدری لدھا،
چوہدری اشفاق تے چوہدری محمود احمد ملنگی کونسلر ایس پنڈ وچ سیاسی سوجھ بوجھ رکھدے
نیں۔ بے نظیر انکم سپورٹ پروگرام تے شہباز، نواز شریف انکم سپورٹ پروگرام ولوں ہر
مہینے لکھاں روپے ماڑیاں وچ ونڈ چکے نہیں۔

اتھے سال وچ دوواری بابا نور شاہ ولی دامیلہ وی لگدا اے۔ میاں غلام محمد
تے ایہناں دا پتر میاں محمد شریف انصاری ایس پنڈ وچ امامت کرواندے رہے نہیں۔
اجکل اتھے بوہت خوبصورت مسیت تعمیر ہو چکی اے۔

شاکے کیا نڈا ٹھٹھ

ایہہ ٹھٹھ فیض پور خور تے ٹھٹھ لنگیاں دے وچکار نہر دے کنڈھے آباد
اے۔ حاجی نور محمد شاکے کاتے محمد حسین آلا دیاں اولاداں نے اتھے اپنیاں اپنیاں
زمیناں وچ گھر بنا لئے نہیں۔ فیر فیض پور خوردی عیسیاں وی کھنٹی اٹھ کے اتھے
آگئی اج ایہہ نکا جاناں پنڈ بن گیا اے تے سودا سلف دیاں دکاناں وی بن گئیاں
نیں۔ رضا سی این جی پمپ دے قطب پاسے ایہہ نکا جاناں پنڈ پھلاں دے کھیتراں
وچ نظر آؤندا اے۔

کوٹ نور شاہ

کوٹ نور شاہ داپنڈ لاہوروں شرقپور (جڑانوالا) نوں آؤن والی سڑک اتے آباد اے۔ موٹروے فیض پور خوردٹول پلازہ دی پل لنگھے تاں بلڈنگاں، کوٹھیاں مسیت دے منارے، بابا نور شاہ ولی دے مزار دا گنبد، ہرے بھرے باغ، پھلاں نال بھرے کھیت، چمکدے دکنڈے مکھڑیاں والے سیٹھاں داپنڈ آجاندا اے۔ سیٹھاں دا ڈیرہ تے جٹاں داپنڈ جدوں دریا برد ہو یا تاں لوکاں اتھے آکے مقیم ہو گئی۔ ایس پنڈ وچ گورنمنٹ گرلز پرائمری سکول، منڈیاں داسرکاری پرائمری سکول اے۔ تے کئی ہور پرائیویٹ سکول تے اکیڈمیاں بن چکیاں نیں۔

بابا نور شاہ ولی دادر بار مرجع خلائق اے۔ ہر سال ہاڑھ دی دوجی جمعرات نوں بڑا وڈا میلہ لگدا اے۔ لاہوروں، شیخوپورہ، شرقپور تے آل دوالے دے پنڈاں وچوں لوکی آکے ایس میلے دی رونق ودھاندے نیں۔ حلوائیاں دیاں مٹھائی دیاں ہٹیاں ہفتہ پہلوں ای آجانداں نیں۔ کدی ایہہ میلہ ”جٹاں والا میلہ“ اکھواندا سی۔ تے لاہور دے زندہ دل میلے دے شوقین اپنیاں ٹٹماں اتے بہہ کے آؤندے سن۔ شرقپور وں لے کے بیگم کوٹ تیکر ٹٹماں دی دوڑ لگدی سی۔ بابا نور شاہ ولی دے میلے وچ تن دن قوالی دیاں محفلاں سجیاں نیں تے لنگر وٹیا جاند اے۔ سیٹھ برادری بوہت ہی حسین، نفیس، قد آور بااخلاق تے رعب والی برادری اے۔ ایہناں وچوں سیٹھ حکیم نجم الدین، حکیم محمد نواز سیٹھ، سیٹھ ظہور الدین، سیٹھ اقبال، سیٹھ عارف، سیٹھ لیاقت تے سیٹھ محمد عبداللہ ایڈووکیٹ مرحوم نے بڑا ناں پایا۔ پنڈ وچ اک مہتمم برادری

وی آباد اے۔ کدی ایہہ لوک وان وٹ کے، مونجیاں کٹ کے تے کنکاں دی واہڈی
 کر کے گزران کر دے سن۔ اجکل باغاں دے بیوپاری نیں۔ پیسے دی ریل پیل اے،
 سکھاں نال وس رہے نیں۔

فیض پور خورد دے کجھ گھچا برادری نے وی آکے اتھے سکوت کر لئی اے۔
 چوہدری محمد یوسف گھچا دے پتر چوہدری اکبر علی تے چوہدری اصغر علی دے ڈیرے وی
 نیں۔ چوہدری محمد یعقوب گھچا دی اولاد وی نقل مکانی کر کے اتھے مقیم ہو گئی۔ اتھے
 آرائیں فیملی (جیونکے) دے کئی افراد لاہور سرکاری دفتراں وچ ملازمت کوہرے
 نیں۔ دو عالی شان مسجداں ایس پنڈ دے وسیرکاں دی دینی لگن نوں ظاہر کردیاں
 نیں۔ کوٹ نور شاہ دے سٹاپ اتے تندرست تے نفیس گوشت دیاں دکاناں علائے
 بھروج مشہور نیں۔ سٹاپ اتے سیٹھ عبداللہ شہید دے ناں اتے پلس چوکی قائم اے۔
 ایس سٹاپ توں ڈھڈیاں چاہڑول سڑک مجاندی اے۔

امناج صوفی اصغر علی کوثر قادری 'نوشاہی' مردانوی مکہ المکرمہ (سعود عرب)

کے ساتھ ایک نشست اور "ضیاء الانصار" کی رونمائی

گزشتہ دنوں شاخ ادب اور انصاری فاؤنڈیشن پاکستان فیض پور خورد کے اہتمام سے اثر منزل فیض پور خورد میں دو عظیم الشان محافل کا انعقاد ہوا۔ محفل کے بانی حاجی فقیر اثر انصاری فیض پوری نے دونوں محافل کا بڑے ذوق و شوق سے اہتمام کیا۔ مکہ معظمہ سے آئے ہوئے الحاج صوفی اصغر علی کوثر الحاج صوفی محمد اسلم قادری، حاجی غلام مصطفیٰ، مہمان خصوصی تھے۔ فیض پور خورد کے محلہ جابر کو پورہ جھنڈیوں، بینروں اور قلموں سے سجایا گیا تھا۔ مہمانوں پر پھول چٹیاں نچھاور کر کے ایک کثیر مجمع نے ان کا استقبال کیا۔ نارنگ منڈی سے اس قافلے میں حاجی غلام رسول انصاری (انمول جیولرز) حاجی محمد منظور احمد ریٹائرڈ آفیسر تعلیم و بانی سفینہ راء ماڈل سکول اور محمد عاشق باجوہ انصاری بھی تھے۔ انہیں طلائی ہار پہنائے گئے۔ کھانے کے بعد مہمانوں کو اسناد / ایوارڈ اور ستاریں پیش کی گئیں۔ اثر صاحب نے کچھ تحائف بھی پیش کئے۔ چائے پانی کے وقفہ کے بعد اثر صاحب نے ان شخصیات پر نظمیں پڑھیں۔ دوسرے مرحلے میں عبدالرحمن شاد انصاری آف تلہ گنگ ضلع چکوال کی کتاب "ضیاء الانصار" کی رونمائی صاحبزادہ مدثر نوشاہی شرقپوری کے ہاتھوں ہوئی۔ انہوں نے پھولوں کے ڈھیر سے کتاب نکالی۔ ایک ضروری کام کی وجہ سے کتاب کا مصنف اس تقریب میں شامل نہ ہو سکا۔ اثر صاحب نے "ضیاء الانصار" پر نظم پڑھی۔ اس تقریب میں مکہ شریف کے مہمان الحاج صوفی اصغر علی کوثر، الحاج صوفی محمد اسلم قادری اور الحاج غلام مصطفیٰ کے علاوہ حاجی غلام رسول انصاری، حاجی محمد منظور احمد، محمد عاشق باجوہ، صاحبزادہ مدثر نوشاہی، علامہ فضل حق خان گلشن شرقپوری، اثر صاحب کے خاندان میں سے ان کے والد بزرگوار حکم پیر محمد ابراہیم نقشبندی، والدہ محترمہ اثر صاحب کے بہن بھائی مستری نذیر احمد جوہر، میاں محمد عارف، ڈاکٹر اقبال نذیر، ڈاکٹر نوید، فیض پور خورد کے گرد و نواح سے آئے ہوئے مقامی علمائے کرام مولوی عبدالحق دیرھ سید محمد اشرف شاہ واہگرے، قاری محمد حیات بنسی نگر، میاں محمد منشاء نوشاہی برج اٹاری، حافظ محمد عمر حیات سکیاں کلاں موتی فوتی اور آل انصار کے اکابرین چوہدری شریف ظفر نشاط ملزکھار یا نوالہ، مس قادری صاحبہ اور نامور نعت خواں احسان اللہ شیخوپوری نے رونق کو دو بالا کیا۔ ان محافل کے مناظر کو مووی میں محفوظ کیا گیا۔ اور اثر صاحب نے مہمانوں کو اپنی تصانیف کے سیٹ عطا کئے۔ خلیفہ محمد افضل عباسی اوکاڑہ، میاں عبدالرحمن قدحاری، وار برٹن اور شاہ صاحب وار برٹن حاجی قاری محمد منشاء شہزادہ، چوہدری محمد سردار انصاری شیخوپورہ اور سماجی رفاعی اداروں کی

خواتین نے بھی شرکت کی۔ رپورٹ (اقبال نذیر کوٹ عبدالملک)

حمد، نعت، غزل، نظم تے علمی ادبی نثر دا گلدستہ

مجموعہ ادبی نثر

مصنفہ: درویش صفت ادیبہ شاعرہ

زیب النساء اثر مرحومہ مغفورہ

ناشر: حاجی غلام رسول انصاری (انہول جیولرز)

بانی الانصار ویلفیئر ٹرسٹ نارنگ منڈی

چھتہ بازار نزد ریلوے اسٹیشن نارنگ منڈی ضلع شیخوپورہ

امرت وچ نہایت اچھی سچی شاعری
 حمد، نعت، نظم، غزل، تے نثری شاہ پارے

شوقِ دلی لالی

رشحاتِ قلم: محترمہ عابدہ اثر، بی۔ اے

ناشر: سیٹھ آدم جی عبداللہ سمبلی والے

تاجر کتب نو لکھا بازار لاہور

زمانے دے دکھ درد، بے انصافیاں، جبر تے سینہ زوری تک کے
لکھیاں گئیاں / منظوم تے نثری علمی ادبی سوغاتاں

لکھے پندرہ حیاتی دے

شاعر: عبدالجبار اثر

ناشر: چوہدری محمد اسحاق انصاری

بینک آفیسر، مثالی کاشتکار، کھاریانوالہ براستہ شیخوپورہ

صدرالانصار ویلفیئر ٹرسٹ ضلع شیخوپورہ

نوجوان ادیب، پوتر سوچاں دے شاعر دی علمی ادبی خزانہ
 حمد، نعت، نظم، غزل تے نثری پراگا

چمن دی چائنی

مصنف: سردار محمد عبداللہ

ناشر: چوہدری عظمت علی آرزو
 بانی اثر انصاری اکیڈمی گوٹھ چوہدری لال گل
 نزد بلوٹی شاہ عبدالکریم ضلع حیدرآباد سندھ

حالاتِ حاضرہ اُتے علمی ادبی مرقع

حمد، نعت، نظم تے نثر

اوکھیاں راہواں

نتیجہ فکر: غلام عباس شاد مصری

ناشر: چوہدری محمد خالد

بانی اثر انصاری اکیڈمی گوٹھ وڈی دو برجی
تخصیل کوٹ غلام محمد ضلع میرپور خاص سندھ



عید اللہ عربی اپنے بھرا سردار محمد عبداللہ دے نال

کچھ دنوں پہلے